

140 /
1951/3

ეროვნული
ბიბლიოთეკა



№ 3

1951

ს. ი. ნ. ე. ნ. ი.





პ ი ო ნ ე რ ი

ეროვნული
ბიბლიოთეკა

№ 3 მარტი 1951

საბლიტგამი

წელიწადი XXV

საქართველოს ალკა ცენტრალური კომიტეტის
უძველესი საბავშვო ჟურნალი

ПИОНЕРИ Ежемесячный детский журнал Центрального Комитета ЛКСМ Грузии



ღ ე ღ ე ბ ი, ღ ე ბ ი

— ომის დროს დაეკარგე ყველაზე ძვირფასი— შვილები. მე დაეკარგე ზოია და ალექსანდრე, რომელთაც შემდეგ საბჭოთა კავშირის გმირის წოდება მიენიჭათ. მე ვლადიმერ კობეზიშვილი მილიონიანი დედების სახელით, რომელთა ხსოვნაში სამუდამოდ დარჩება გადატანილი ტანჯვა-წვალება. ჩვენ, საბჭოთა ქალებს, არ ძალგვიძს განადგურებული ქალაქებისა და გადამწვარი სოფლების დავიწყება. განა მე შემიძლია დავივიწყო წამება, რაც ჯალათებმა ჩემს ქალიშვილს ზოიას მიაყენეს! ძვირფასო მეგობრებო, ძვირფასო ქალებო, ამერიკისა და ინგლისის დედებო, მხოლოდ თქვენს აქტიურ ბრძოლას შეუძლია იხსნას თქვენი შვილები, ქმრები, ძმები ბრძოლის ველზე სიკვდილისაგან!

ეს დედის სიტყვებია, ესოდენ მგრძნობიარე, თბილი, მზრუნველი, მოამაგე. ეს ომისაგან, ფაშისტი ჯალათების მიერ დატანჯული დედის სიტყვებია, სიცოცხლის დასაცავად რომ მოუწოდებს მთელი მსოფლიოს ქალებს. ეს არის უკვდავი გმირების ზოია და ალექსანდრე კოსმოდემიანსკების დედის მოწოდება.

დედა!—რაოდენ ახლობელი, საყვარელი და ძვირფასია იგი ადამიანისათვის.


„ვადიდოთ ქალი-დედა, რომლის სიყვარულს არა აქვს საზღვარი, რომლის მკერდით გამოზრდილია მთელი ქვეყანა“,—წერდა მაქსიმ გორკი.

ჩვენს სამშობლოში, სტალინის მზით გაშუქებულ ქვეყანაში ქალი ნამდვილად ბედნიერია, იგი უფლებით მამაკაცის თანასწორია. რამდენი ქალია ჩვენში მასწავლებელი, მეცნიერი, საბჭოთა კავშირის გმირი, სოციალისტური შრომის გმირი, ექიმი, სტახანოველი! ვინ მოთვლის მათ! ისინი პარტიისა და მთავრობის მშობლიური მზრუნველობით არიან გარემოცულნი. მრავალი მოწინავე ქალი ხალხის რჩეულია, დეპუტატია.

საბჭოთა კავშირის ქალების მაგალითის მიხედვით ნამდვილი ბედნიერი ცხოვრების გზას დაადგენ სახალხო დემოკრატიის ქვეყნების მშრომელი ქალები, ისინი ახალი ცხოვრების მშენებლობის აქტიური მონაწილენი არიან!

ქალი დიდი ძალაა. მთელი მსოფლიოს მოწინავე ქალები დარაზმული არიან მშვიდობისათვის საბრძოლველად.





ლადო ავალიანი

მ ო თ ხ რ ო ბ ა

შბატვარი შ. ცხალაძე

ოც მარტს ნანას ცხრა წელი შეუსრულდა. ამ ბედნიერი დღის გათენებას რა ხანია ელოდა იგი.

მართალია, მარტი ზოგჯერ კეთილად არ იხსენიება — ყველა ცვალებადი ხასიათის ადამიანს სწორედ ამ თვეს შეადარებენ ხოლმე, მაგრამ ისიც უთქვამთ — მარტი კაბას კერავსო. მართლაც, ბუნება ამ დროს იღვიძებს, იმოსება, საკიკლუცოდ ემზადება, და ნანასათვისაც ხომ სწორედ მარტში იკვრება ყველაზე საუცხოო კაბა.

პატარა ნანა დღეს ოჯახის წევრთა შორის ყველაზე დიდ პატივში იყო. მისი სახლის კარი წამდაუწუმ იღებოდა, სტუმრები თავს იყრიდნენ დიდ ოთახში. აქამდე სახლში მარტო შინაურების ხმა რომ გაისმოდა, ახლა ბავშვების ყრიაშულმა ხალისი შემატა იქაურობას. ყველა მხიარულად გამოიყურებოდა; ყველა ცისფერი, თაფლისფერი და შავთვალა გოგონას სახეზე ბედნიერება აღბეჭდილიყო. მართლაც რომ საზეიმო წამი იდგა. არც სტუმრების მოსვლას უჩანდა ბოლო, არც ნანასთვის მორთმეულ საჩუქრებს. საჩუქრების გროვას რომ თვალს გადაავლებდით. იფიქრებდით: ყველა მშობელი ცდილა თავისი შვილის ამზანავისთვის დაბადების დღის აღსანიშნავად ძვირფასი საჩუქარი შეერჩიაო. დაიკოები და ძამიკოები კი გუნებაში ფარულად ნატრობდნენ: ნეტავი ჩემი საჩუქარი ყველაზე უფრო მოეწონოს ნანასო. მაგრამ დღეს ნანა გააოცა არა ძვირფასმა და ორიგინალურმა, არამედ უბრალო საჩუქარმა — ფერად ქაღალდებში გახვეულმა შოკოლადისკონფეტებიანმა პატარა კოლოფ-

მა, რომელიც ყველაზე ახლობელმა და საყვარელმა ამზანავმა ლალიმ მოართვა: ლალის საჩუქარი განსაკუთრებით ორიგინალური იყო ყოველთვის.

თექვსმეტ ამზანავში თორმეტი იყო გოგონა, ოთხი — ნათესავი ბიჭუნა. ყველა კოხტად იყო ჩაცმული და მოსწაელის ფორმა ისე უხდებოდათ, დახატულს ჰგავდნენ.

მაგიდას რომ მოუსხდნენ; ხალისიანად შეექცნენ ნამცხვარს, გული იჯერეს სიმღერით, ცეკვით. სადამომ ისე გაიარა, ათმა საათმა ისე მოაწია, არც გაუგიათ. როცა მშობლებმა მოაკითხეს, ბავშვებს გაუკვირდათ კიდევ, — რა დროს შინ წასვლაა, განა რამდენი ხანია რაც მოვედითო. გულდაწყვეტილნი უკვე მოემზადნენ მეგობართან გამოსამშვიდობებლად, მაგრამ მოულოდნელად ლალიმ გამოაცხადა: „ბავშვებო! ერთი საჩუქარი კიდევ მაქვს ნანასთვის და გთხოვთ მომისმინოთ“. ბავშვებს კვლავ შეექნათ ყრიაშული. ვისაც უკვე ჩაეცვა პალტო, უმალ გაიძრო და ვინაიდან დაკიდების დრო აღარ იყო, დერედანში სკამზე დადო. ბავშვები ისევ დიდ ოთახში შეცვივდნენ.

ერთ წუთში ყველა დალაგდა, დაწყნარდა. ზოგი სკამზე ჩამომჯდარიყო, იდაყვებით საზურგეს ჩამოპყრდნობოდა, ზოგს ტახტზე მოეკალათებინა, ზოგიც, ცნობისმოყვარე და უფრო მოუსვენარი, კედელს აჰკვროდა და ჯერ კიდევ ტოკავდა, თვალებს აქეთ-იქით აცეცებდა.

ლალი როიასს მიუჯდა. სრულ სიწყნარეში კლავიშებზე ლალის თითების შეხების

5392



უმალ ოთახში სიხარულის აღმძვრელი ბგერები დაირხა. თვალი რომ დაგეხუჭათ, იფიქრებდით — როიას კი არ უკრავენ, ჩიტი გალობს და მისი წკრიალა ხმა გაისმის ჰაერშიო. სულ ორ წუთს უკრავდა ლალი, მაგრამ სულგანაბულ ბავშვებზე, განსაკუთრებით კი ნანაზე, ამ დაკვრამ ისეთი ღრმა შთაბეჭდილება მოახდინა, რომ ბავშვებს სიხარულის ცრემლებიც კი მოერიათ. ლალის დაკვრამ დიდებსაც სიხარულით აუძგერა გული. ყველას ისეთი სიამოვნება განაცდევინა ამ პატარა პიანისტმა, რომ ამ ორ ძვირფას წუთს ახლა ვერაფერი შეედრებოდა.

როცა ტაში გაისმა და ლალიმ ამხანაგებს გადახედა, სახემოლიმარი, თანაც აცრემლებული ნანაც დაინახა, მიიჭრა მასთან, გადაკოცნა და ჰკითხა:

— რა გატირებს, ნანა?!

ნანამ ცრემლი მოიწმინდა, გაბუტულივით შემოხედა ამხანაგს და წაიხურჩულა:

— მე არ ვტირი! — მერე მორცხვად დაუმატა: მომეწონაო და გაიცინა.

— რა ხანია, ამ პატარა პიესას შენი დაბადების დღისათვის ვამზადებდი, ეს იყო ჩემი საჩუქარი, — უთხრა ლალიმ.

— ვისია? — იკითხა ნანამ.

— ჩაიკოვსკისა.

— რა ჰქვია?

— ტოროლას სიმღერა. ამ სიმღერაში კომპოზიტორი გულისხმობს სწორედ შენი დაბადების თვეს — მარტს, როცა ტოროლა პირველად შეინავარდებს ლაქვარდში და ქვეყანას ამცნობს გაზაფხულის მოსვლას. ჩაიკოვსკის წელიწადის ყველა თვეზე აქვს დაწერილი პატარა პიესა.

სტუმრები რომ წავიდნენ, ნანა დაწვა, დედა კი დიდხანს ფხიზლობდა. ნანა დაწვა. მაგრამ სულ ჩაიკოვსკის „ტოროლაზე“ ფიქრობდა. ტოროლას წკრიალა ხმები ახლაც გარკვევით ჩაესმოდა ყურში. ამ სიმღერამ ლალი მას კიდევ უფრო შეაყვარა, მისმა საჩუქარმა დღეს ყველაზე მეტად ასიამოვნა.



ლალი როიას მიუჯდა.


თავის ნანაზე კი დედას გული სწყდებოდა, რომ ნიჭიერი ბავშვი მუსიკას უგულოდ სწავლობდა და წარმატებას ვერ იჩენდა.

როცა დედამ ოთახში სინათლე ჩააქრო და დასაძინებლად მოემზადა, მოულოდნელად ნანას ხმა გაისმა. დედას ეგონა სძინავსო, ბავშვი კი ფხიზლობდა.

ნანამ დედას შეჰფიცა — ხვალდანვე გულმოდგინედ შევუდგები მუსიკის გაკვეთილების მომზადებას და გაისად, ლალის დაბადების დღეს, მისთვის ჩაიკოვსკის იმ სიმღერას დავუკრავ, რომელშიც დიდი კომპოზიტორი თებერვლის თვეს გამოხატავსო.

ნანას ყველაზე ახლობელი და საყვარელი დაიკო თებერვალში დაიბადა.





მეჩუქურთმის სიმღერა

ქვას სიკოცხლე მივანიჭე
და სიკვდილზე გავიმარჯვე.

სვეტმადალი დიდი სახლი
ქართლის გულში ამიგია,
დღეს ხარაჩო ჩამოვხსენი,
მოდით, ნახეთ, რარიგია!

გუშინ თბილისს ვაშენებდი,
დღეს რუსთავის ქალაქს ვაგებ,
ბოლნისის ქვას მკვრდით ვათბობ,
ზედ ქართულ ვაზს ვაქანდაკებ.

სართულს სართულს ვაშენებდი,
პურის თავთავს ვჭრიდი ქვაზე,
მოდით, ნახეთ, თუ გსურთ იგრძნოთ
ჩუქურთმების სილამაზე.

სადაც დიდი სსახლეა,
ყველგან ისმენთ ჩემს საუბარს,
ჩემი ბავით ქვა მეტყვილებს,
ჩემი ენა ქვას ჩაუდგამს!

როცა ნახა დიდოსტატმა,
მიქო ცოდნა, შრომა, გარჯა,
და მე ვიგრძენ, კაცის ძალამ
ქვაზე როგორ გავიმარჯვა.

მე ჩუქურთმის ოსტატი ვარ,
ჩვენი ქვეყნის მშენებელი,
ყველა ქუჩის, ყველა უბნის
სახლის დამამშვენებელი,
მე შრომას და მარჯვენს მიქებს
დიდი აღმაშენებელი.

ვინც კი ნახა, ყველა მიქებს
ოსტატობას, შრომას, მარჯვენს,

მირიან სურგულაძე





ხარაჭები

გიორგი გულაშვილი

მ თ ხ რ ო ბ ა

მხატვარი ა. ბანძელაძე

გია დოლოძე სახელოსნო სასწავლებლის კონტად მოწყობილ ოთახში თავის საწოლზე გულაძმა წამოწოლილიყო, ხელები თავქვემ ამოეწყო და მოცინარი თვალებით მისჩერებოდა კრიალა ცის სწორკუთხოვან მონაკვეთს, რომელიც თითქოს მინის მაგიერ აჰკვროდა უზარმაზარ ფანჯარას. გიას ეცვა სახელოსნო სასწავლებლის მოსწავლის უხეროდ მოვლილი, მითელ-მითელი ფორმა.

გიას გარდა ამ ოთახში კიდევ შვიდი თანაჯგუფელი მოსწავლე ცხოვრობდა.

„გაივლის ერთი წელიც და ჩვენი ქალაქის რომელიმე დიდ ქარხანას ჩემი სახით მოველინება საუკეთესო ახალგაზრდა ხარაჭი. — ოცნებობდა გია, — რომელიც თავისი საწარმოო მიღწევებით დამსახურებულ სპეციალისტებსაც კი გააოცებს...“

ამ ოცნებით გატაცებულმა გიამ უნებლიეთ იკითხა:

— საინტერესოა, რა ასაკში შეიძლება გახდეს ადამიანი სტალინური პრემიის ლაურეატი?

ამ შეკითხვას, რომელიც დაყენებული იყო უფრო საკუთარი თავის, ვიდრე სხვის წინაშე, მოკრძალებული ხმა გამოეპასუხა:

— ასაკი განსაზღვრული არ არის. როცა საქმით დაიმსახურებ, სტალინური პრემიის ლაურეატობას მაშინ მოგანიჭებენ.

ეს თქვა მეზობელ საწოლთან სკამში ჩამომჯდარმა ავთანდილ იაშვილმა. მოსწავლის ახლად დაუთოებელი ფორმა ავთანდილის ტანზე მოხდენილად იდგა და ისედაც კონტა ყმაწვილს უფრო მიმზიდველს ხდიდა.

ოთახში მათ გარდა არავინ იყო. ავთანდილმა ისეთი წყნარი ხმით უპასუხა, რომ სრულიად არ შეუფერხებია გიას ოცნების მსვლელობა. გია კი ფიქრობდა თავის ნათელ მომავალზე, თვალწინ ეხატებოდა თავისი თავი. აი, იგი დგას დაზვასთან და თვალის ყოველ დახამხამებაზე აკეთებს ახალ-ახალ ურთულეს დეტალებს. ხალხი

აღფრთოვანებული შესცქერის ახალგაზრდა ხარაჭის მუშაობას. გაზეთები აჭრელებულია მისი სურათებით...

ასეთ ოცნებაში იყო გართული გია, რომ ოთახში შემოვიდა კომკავშირული ჯგუფორგი ირაკლი კარგარეთელი, ტანწვრილი, თათლისფერთვალებიანი ყმაწვილი. მას ორი მოსწავლე ახლდა. ისინი კარებთან შეჩერდნენ.

ირაკლიმ წყნარი ხმით თქვა: — როცა მოსწავლე სახელოსნოში მუშაობას ამთავრებს, იგი მოვალეა გაწმინდოს დაზგა, შეინახოს იარაღი და საერთოდ წესრიგში მოიყვანოს ყველაფერი.

— შენი უმისამართო შენიშვნა მე ხომ არ მეხება?—თვლების მოჭუტვით დაექითხა მას გია და უფრო მოხერხებულად მოეწყო საწოლზე.

— დიას, შენ გეხება,—შეუტია ირაკლიმ,— ამის შესახებ რამდენიმეჯერ გაგაფრთხილეთ, მაგრამ შენ მაინც შენსას არ იშლი. ისევ მოგვისდება ჯგუფის შეკრებაზე მოგელოპარაკოთ.—ირაკლიმ ავთანდილსა და დანარჩენ ორ მოსწავლეს გადახედა და დაუმატა:—კინოში წასვლის დროა. ნუ ვაყოვნებთ, სხვები ეზოში გველოდებიან.

ავთანდილი წამოდგა და წასასვლელად მოემზადა.

გია უცებ წამოხტა საწოლიდან და, როგორც ყოველთვის, ახლაც სადღაც დაკარგულ ქუდს დაუწყო ძებნა.

— შენ საით?—ჰკითხა მას ჯგუფორგმა.

— როგორ თუ საით?—გაიკვირვა გიამ. — ცხადია, კინოში.

— მარტო?

— რატომ მარტო, თქვენთან ერთად.

— არა, — მტკიცედ განუცხადა ირაკლიმ. — შენ ჩვენთან ერთად ვერ წამოხვალ, მაგ ტანსაცმელით მწყობრს დაგვიმახინჯებ.

სახეზე აღმუტრავარდნილმა გიამ თავი შეიკავა, მითელ-მითელი ტანსაცმელზე არ

დაიხედა, მხოლოდ რაღაც ჩაიბურტყუნა თავისთვის და ოთახიდან გასული ამხანაგები დაბნეული თვალით გააცილა.

მაოტო დარჩენილ გიას ფიქრები არ ასვენებდა:

„აქაო და სუფთა და დაუთოებელი ტანსაცმელი გვაცივიაო, თავიანთი თავი დიდი რაღა ვგონიათ,—ფიქრობდა გია ამხანაგების შესახებ,—ის კი არ იცის, რომ საქმე ძარტო ტანსაცმელში არ არის, საქმე მუშაობაშია. ჩემი დამხადებული დეტალები მათ ნამუშევარს რით ჩამოუვარდება?! დაზგა დაუსუფთავებელი დაგიტოვებიაო... მერე და რა მოხდა! ხვალ მუშაობის დაწყებადღე დავალაგებ... ერთი სიტყვით, მათზე ფიქრიც არა ღირს... მაგრამ ავთანდილი? ეჰ, ავთანდილიც უგულო ყოფილა. აგერ როგორ ძდგომარეობაში დამტოვა და არხენად წავიდა კინოში. განა ხადდვილი მეგობარი ასე მოიქცეოდა?“

ამსობაში გარეთ ბინდი ჩამოწვა. ოთახი გაფერმკრთალდა. გიამ სიმარტოვე ვეღარ აიტანა და გადაწყვიტა მეზობელ ოთახში სხვა მოსწავლეებთან გასულიყო. მაგრამ მეზობელ და არც სხვა ოთახებში არავინ დახვდა. მხოლოდ გოგონების ოთახიდან გამოდიოდა სინათლე. გაბრაზებული გია იქით გაემართა.

ნაქარგი ტილოებითა და ყუავილების თაიგულებით დამშვენებულ ოთახში მას მხოლოდ თინიკო ლორია დახვდა. გოგონა სააძურად გაკაშკაშებულ მაგიდასთან მოწყობილიყო და რაღაც გამჭვირვალე ნაჭერს ცისფერი ძაფით არშიას ავლებდა.

გიას გამოჩენას თინიკო გაცემებით შეხვდა:

—რატომ კინოში არ წასულხარ?

გიამ ამოიოხრა და სკამზე მოწყვეტით დაეშვა.

— დისკვალიფიკაცია.

— რაო?

— დისკვალიფიკაცია,—გაიმეორა გიამ და განმარტა:—ეს ნიშნავს დანაშაულის გამო შეჯიბრებიდან სპორტსმენის დროებით გამოთიშვას.

გოგონამ გადაიკისკისა.

—და შენც, როგორც ყოველთვის, ახლაც რაიმე დანაშაული ჩაიდინე და ამიტომაც არ წავიყვანეს კინოში? ესე იგი, დისკვალიფიკაცია!

— არავითარი დანაშაული! მხოლოდ ირაკლი კარგარეთელი გამომეღავა: რატომ დაზგა არ დავისუფთავებიაო, რატომ ტანსაცმელი არ გაგიუთოებიაო.

— მართალი უთქვამს,—დამაჯერებლად თქვა თინიკომ.

გიას აღელვება დაეტყო და წამოხტა.

— შენც მას ეთახხები?!

— რატომ ბრაზობ! კარგ მოსწავლეს დაწინაურდა გაც დასუფთავებული უნდა ტანსაცმელიც დაუთოებული.

— შენც უგულო ყოფილხარ. იმის მაგიერ, რომ მითანაგონო, პირიქით, მამბრაზებ. ეს რა ამხანაგობაა!

თინიკოს გაეცინა.

— დამშვიდდი, გია! ვისაც შენთვის კარგი სუოს, ხაკლზე მოგცემს შენიშვნას და შენც შეეცდები ნაკლი გამოასწორო. სწორედ ეს არის ამხანაგობა.

აქ გია უხერხულად შეიშმუნა და, რადგან თავის გასამართლებლად ვეღარაფერი მოახერხა, იფიქრა, თინიკოსაც გავამწარებო.


— თუ არ ვცდები, შენთვისაც დისკვალიფიკაცია მოუციათ, არც შენ წაუყვანხაროთ კინოში შენს მეგობარ გოგონებს.

— უკაცრავად,—სასწრაფოდ გამოეპასუხა თინიკო,—მე ჩემი სურვილით დავრჩი, საქმე მაქვს. შენ კი დაიხსოვ: ჩვენ დამრეტხავიც გვყავს, დამკერებელიც და დამუთოებელიც, მაგრამ საჭიროების დროს თვითონ მოწაფესაც უნდა შეეძლოს საკუთარი თავის მოვლა-პატრონობა.


თინიკოს იერიშით დაბნეულმა გიამ ხელი ჩაიქნია.

— შენთან ლაპარაკიც არა ღირს, — ჩაიბუზღუნა და გარეთ გავიდა.

ორი მოულოდნელი „თავდასხმით“, — ასე უწოდა მან ირაკლისა და თინიკოსაგან მიღებულ შენიშვნებს,—გაბრუებულმა გიამ დიდხანს იბორიალა დაღუმებულ დერეფნებ-



— შენც უგულო ყოფილხარ. იმის მაგიერ, რომ მითანაგონო, პირიქით, მამბრაზებ.



— სხვა დროს ეს არ მოხდება, ავთანდილ...

ში და ბოლოს ეზოში ჩავიდა. იქ მას უნდოდა სკამზე ჩამომჯდარიყო და გაბნეული ფიქრებისთვის როგორმე თავი მოეყარა, მაგრამ მისი ყურადღება სახელოსნოს მაღალი ფანჯრებიდან გამოფრქვეულმა შუქმა მიიპყრო.

— რას ნიშნავს ეს, სადამოთი სახელოსნოში შუქი რატომ უნდა ენთოს?—დაეკითხა განცვიფრებული გია თავის თავს.

იგი ფეხაკრეფით მიუახლოვდა სახელოსნოს შენობას, კედელს აეკრა და ერთ-ერთ ფანჯარაში შეიხედა. სახელოსნოში მის დაზვას ვილაც ფრთხილად უვლიდა ვარშემო.

უკეთ რომ დაენახა ყველაფერი, გიამ აღტყლილი გადაინაცვლა, ახლა მეორე სტანჯარაში შეიხედა სახელოსნოში. აქედან შუქი წინაშე ლად დაინახა ავთანდილ იაშვილი, რომელიც ჩვრითა და ჯაგრისით მეგობრის დაზვას ასუფთავებდა.

გიამ ერთ ხანს უყურა ავთანდილის საქმიანობას, მერე ფანჯარას მოშორდა და სახელოსნოში შევიდა დარცხვენილი.

ავთანდილი, თითქოს დანაშაულზე წაუსწრესო, შეკრთა, გარინდლა და აციმციმებულ თვალეებით მიაცქერდა მეგობარს. გიამ მის თვალებს დიდხანს ვერ გაუძლო და თავი ჩაღუნა. შემდეგ აღელვებულმა და დარცხვენილმა ავთანდილს ჩვარი და ჯაგრი-სი გამოართვა.

— მე თვითონ, ავთანდილ, მე თვითონ გავწმენდ და დავალაგებ ყველაფერს. ამის გაკეთება მე თვითონ შემიძლია და მოვალეცა ვარ, რომ გავაკეთო.

გიამ მალე მოაწესრიგა ყველაფერი: დაზვა გაწმინდა, იატაკზე დაყრილი ბურბუშე-ლა აგავა, იარაღი კარადაში შეალაგა.

— სხვა დროს ეს არ მოხდება, ავთანდილ, — უთხრა გიამ. — ჩემ გამო კინოში წამსვლელებს ჩამორჩენიხარ... გთხოვ მაპატიო. — გიამ რაღაც გაიფიქრა, მერე ხმადაბლა დაუმატა: — გთხოვ წამომყვე ერთ გოგონასთან — თინა ლორიასთან... წელან მას რაღაც ვაწყენინე და მინდა ვუთხრა, რომ სხვა დროს ასეთი რამ არ მოხდება და... უთოსაც გამოვართმევ.

ორივემ გულდიად შესცინა ერთმანეთს. გაკრიალებული დაზვა ელექტრომუქზე ბრწყინავდა, თითქოს ისიც კმაყოფილებით იცინოდა.

გ ა ზ ა ფ ხ უ ლ ი



წვანით შევმოსე მთა-ბარი, ტურფად მოვხატე ყველგანა; მოველ, ღიმილით შემომხვდა მზის და გმირების ქვეყანა.

ავაბიბინე ბალახი, ჯეჯილებს ფესვი გავუდგი და სამუდამოდ სიტურფეს ქვეყნად სახელი გავუთქვი.

სად წყარო ავაჩუხჩუხე, სად ხე შევმოსე კვირტებით, ქვეყნის სიკეთეს რომ ვხედავ, მეც ყვავილებით ვირთვები.

მწვანით შევმოსე მთა-ბარი, ტურფად მოვხატე ყველგანა; მოველ, ღიმილით შემომხვდა მზის და გმირების ქვეყანა.

იოსებ ნალაშვილი



ახალი გაზაფხული

თამარ ჩხიძე
მხატვარი ირ. რაზმაძე

მოთხრობა

უხსოვარი დროიდან იცნობს პაპა-მუხას მტკვარი, იცის მისი ფიქრები.

— აგვჩენეს, აგვჩენეს, გაგვანადგურეს! — არა ერთხელ შეუჩივლია პაპა-მუხას მტკვარი-სათვის. მართლაც, დღე არ გავიდოდა, რომ ტყე ნაჯახების რახარუხს არ გაეყრებინა. იქცეოდნენ ბრვე ხეები, ქარიშხლებთან ბრძოლებში არა ერთხელ გამარჯვებულნი. აბა, რას გახდებოდნენ ხელშიშველი ხეები პირდაღესილ ნაჯახებთან?! ასე წლითიწლობით გაჩანაგდა ხეები და ოდესღაც დაბურღული, გაუვალი ტყე გათხელდა.

ბევრი ტოლ-მეგობარი დაკარგა მუხამ, მაგრამ ყველაზე უფრო თამამაზე სწყდებოდა გული. თამამას ეძახდნენ პაპა-მუხას შვილიშვილს, თმაქოჩორა ნორჩ მუხას. იგი მართლაც თამამი იყო.

— ჰეი, ალვებო, დამაცადეთ, თქვენზე უფრო ავმადლდები! — გაიძახოდა თამამა და ლალად იზრდებოდა.

— ცისკენ მიისწრაფის, ღამით ვარსკვლავები უნდა დაკრიფოს! — იცინოდნენ ხეები.

— დე, იზარდოს, მასახელოს! — ამბობდა პაპა-მუხა და თამამას ქარიშხლებთან ბრძოლის წესებს ასწავლიდა.

ძლიერ უყვარდა პაპა-მუხას ნორჩი თამამა, შეჰხაროდა, მაგრამ ერთ დღეს თმახუჭუჭა ბიჭიკომ, რომელსაც მეგობარი რეზოს ეძახდა, თამამა ამოთხარა და თან წაიღო.

მწარედ შეწუხდა პაპა-მუხა.
— ნუ სწუხარ, მუხავ, დაიცადე, გაზაფხულდება და მიწაში ჩარჩენილი თამამას ფესვი ამოიყრის! — ანუგემა მტკვარმა პაპა-მუხა, მაგრამ მის შემდეგ ტყემ საძვერ გაიზაფხულა, მიწაში ჩარჩეხილ თამამას ფესვს კი არ ამოუყრია.

— იქნებ ამ გაზაფხულმა მოუტანოს სიხარული, — ფიქრობს მტკვარი და პაპა-მუხას ახალ გაზაფხულს ულოცავს.

იდუმალი ღიძილით გასცქერის პაპა-მუხა ახმაურებულ ტყეს. რაღაც იცის, რაღაცას ელის, რაღაცას ფარავს, მტკვარსაც კი არ უძნელს თავის ფიქრებს. გულწითელა ჩიტმა მოუტანა სასინარულო ამბავი მახლობელი ტყიდან, და ტყისკენ მომავალ გზას გასცქერის პაპა-მუხა.

გაზაფხულია, ჩურჩულებენ გაღვიძებული ხეები. უცებ ძეწნა შეკრთა და გამოლილი დალალების რხევა შეაჩერა.

— გესმის?! — წასჩურჩულა ალვას.
— შესმის და კიდევაც ვხედავ! — უპასუხა ალვამ.

— რას ხედავ?
— ბარებით, ნაჯახებითა და წერაქვებით შეიარაღებულ წითელყელსახვევიან ყმაწვილებს მოაქროლებს აქეთ ავტომანქანა; მათ შორის თმახუჭუჭა რეზო გამოვიცანი, ის, რომელმაც თამამა მოგვტაცა, — ჩურჩულითვე უპასუხა ალვამ.

— დავიღუპეთ, დავიღუპეთ, ამოგვჩენენ! — დაიკვნესა ძეწნამ და დაშლილი დალალები მწუხარედ შეარხია.

* * *

აშრიალდნენ, ახმაურდნენ შეშფოთებული ხეები, შემდეგ გაირინდნენ.

აბა, რას გახდებოდნენ ხელშიშველი ხეები პირმოღესილ, პრიალა ნაჯახებთან?!

ამაყად იდგნენ თავაწეული ხეები, სიკვდილს თვალს არიდებდნენ.

— აქეთ, აქეთ მოიტანეთ! — გაისმა რეზოს ხმა და უცებ მიწაში ჩასული ბარი ახმანდა:

— შრ, რრ, ჭახ! შრ, რრ, ჭახ!

— თბრიან, თბრიან, ნეტავ რომელ ხეს? — ამოიკვნესა ძეწნამ. წერაქვის ყოველი დაკვრა, წალდის ყოველი მოქნევა გულს უღონებდა ხეებს, მაგრამ ისინი ძირს მაინც არ იხედებოდნენ.

მხოლოდ მაშინ, როცა ტყიდან გასული უქანასკნელი ბავშვის ფეხის ხმა მიწყდა, დახარეს ხეებმა თავი, რომ გამოერკვიათ, თუ ვინ დააკლდათ.

დახარეს თავი და მოჩეხილი ხეების ნაცვლად ახლად დარგული ნერგები დაინახეს.

განა მართო ნერგები?! თამამაც თავის აღვილზე იღვა.

— დავბრუნდი, დავბრუნდი! — გაიძახოდა თამამა და პაპა-მუხას უყვებოდა, თუ როგორ დარგო რეზომ თამამა თავის პაწია ბოსტანში, როგორ ენატრებოდა ტყე, როგორ შეარცხვინეს ბოსტნის დასათვალისებრად მოსულმა მეგობრებმა რეზო: რად მოთხარე ისედაც გაჩანაგებულ ტყეში ნორჩი ხეო, როგორ დადო რეზომ პირობა ისევ ტყეში წავიყვანო და, ამის გამო, როგორ გამოგზავნა თამამამ გულწითელა ჩიტი პაპა-მუხასთან მახარობლად.

ამრიალდნენ გახარებული ხეები: — დაურგავთ ნერგები, დაურგავთო, პაპა-მუხას მანქანისკენ მიმავალ ყმაწვილებზე ანიშნეს და შეეკითხნენ:

— ვინ არიან ეს მალხაზები?

— ტყის მეგობრები, ტყის მეგობრები! ამიერიდან ნულარაფრის გეშინიათ, უდარდელად იმრიალეთ, ახალი გაზაფხული დაგიდგათ! — უპასუხა პაპა-მუხამ და ტყეს ახალი გაზაფხული მიულოცა.



ჭინი შრომისადმი

ძმობილო! კაცს თუ ნიჭი აქვს, ყველაფერს დაეუფლება. მაგრამ ცუდია, თუ ამ ნიჭს არ ახლავს „შრომის სუფევა“.

შენზე არ ვამბობ... ზოგიერთს ნიჭი აქვს, შრომა არა სურს. და რა დარჩება იმისგან, ჩვენში რომ ითქვას, დასასრულს?

მხოლოდ ნალეწი აზრები, ანაზღეული, წყვეტილი, ნიჭი კი ვიწრო ნაჭუჭში ყარიბად გამოკეტილი.

შრომა ცხოვრების სკოლაა, დიადი მასწავლებელი, შრომა პიტალო ბურჯია, ნიჭი იმისი მსოფლებლი.

შრომით აიღეს მტრის ციხე, გაანადგურეს, დალეწეს, — ნიჭი წაზღება უშრომლად, შრომით იცოცხლებს ათას წელს!

ქართველი ნიჭით და შრომით ყოველთვის ასე ქებულა: — დიდება შრომას, ვაშა ნიჭს, ორივეს შეერთებულად!

ი. გრიშაშვილი

ქალიშვიდი საკონცენტრაციო ბანაკიდან

(ნაწევები წიგნიდან „გმირთა სისხლით“)

ვინ მოთვლის, საბჭოთა სამშობლოს რამდენმა მამაცმა ქალიშვილმა ისახელა თავი დიდი სამამულო ომის ფრონტზე! მათ შორის რჩეულთა სახელები მთელმა მსოფლიომ იცის. სამარადქამოდ დაუვიწყარია ზოიკოსმოდემიანსკაიას, ლუბა შევცოვას, ულიანა გრომოვას, ლიზა ჩაიკინას, ზოია რუხაძის სახელები...

ჩვენს პარტიზანულ შენაერთში არა ერთი ქალი იბრძოდა. მათმა ლეგენდურმა სიმამაცემ უფრო მეტად დამშვენა პარტიზანული მოძრაობის ისედაც სახელოვანი ისტორია...

საბჭოთა ხალხის სახელოვან ქალიშვილთა რიცხვს ეკუთვნის ჩვენი შენაერთის პარტიზანი ჟენია კუდრიავსკაია. ჟენიას მამა ვასილ მოსეს ძე კუდრიავსკი ჩვენი ნაწილის მეოთხე ბატალიონის მეთაური იყო. მან განსაკუთრებით ისახელა თავი კარპატების რეიდის დროს.

საინტერესო ის არის, რომ კუდრიავსკის ოჯახის ყველა წევრი პარტიზანი იყო. რა კალამი აღწერს იმ საშინელ ტანჯვას, იმ წამებას, რაც ჰიტლერელებმა კუდრიავსკის ოჯახს მიაყენეს, მაგრამ საბჭოთა ადამიანების ნებისყოფა მაინც ვერ მოტეხეს.

ჟენია კუდრიავსკაიას პირველ შეხედვაზე ვერც შეატყობდით, თუ ის ბრძოლის ცეცხლში იყო გამოწორობილი. ეს იყო ნაზი ქალიშვილი, მშვიდი და წყნარი.

— ჟენია, შენ რომ გიცქერა, ომამდელი დრო მაგონდება, — ვუთხარი მას ერთხელ, — მეტად ნაზი ხარ, არ ჰგავხარ პარტიზანს.

— ნუთუ ასეთ შთაბეჭდილებას ვტოვებ? — დაიმორცხვა მან.

ეს სიტყვები ჟენიამ თითქოს წყენით და ნაღილიანად ჩაილაპარაკა, ერთ წუთს ჩაფიქრდა და მერე დაუმატა:

— მე ცხრა თვე გავატარე ჯერ გესტაპოს დილეგში და მერე საკონცენტრაციო ბანაკში!

— როგორ, თქვენ განა საკონცენტრაციო ბანაკში იყავით? მე როდი ვიცოდი, თუ ასეთი ჯოჯოხეთი გქონდათ გამოვლილი... მობატით...

— მე არ მიყვარს იმ დღეების გახსენება, აი, თუ გნებავთ, ჩემი საბუთები ნახეთ. ისინი უკეთ გეტყვიან ყველაფერს.



— ჟენია, შენ რომ გიცქერი, ომამდელი დრო მაგონდება...

ქალმა სერთუკის ჯიბიდან გახუნებული ქალღალი ამოიღო და ხელში მომაჩჩია.

— წაიკითხეთ! — მითხრა მან.

ქალღალი გავშალე და ხმადაბლა კითხვა დაიწყო:

„ეს ცნობა მიეცა ამხ. ებრაქსია სტეფანეს ასულს იმის დასაჯარად, რომ ის არის კროლევეცკის პარტიზანული რაზმის მეთაურის ვასილ მოსეს-ძე კუდრიავსკის მეუღლე და კომკავშირის არალეგალური ორგანიზაციის მდივნის ევგენია ვასილის ასულ კუდრიავსკაიას დედა. ამხ. კუდრიავსკაია ამავე დროს ორი ვაჟის დედაა, ორივენი წითელფლოტელები არიან. ებრაქსია კუდრიავსკაია, მისი უფროსი ქალი ევგენია და უმცროსი ქალი — ნუთი წლის ნინა — ცხრა თვის განმავლობაში დატყვევებულნი იყვნენ ქალაქ კროლევეცკის ციხეში. გერმანელებმა კარგად იცოდნენ, რომ ტყვე ქალი პარტიზანული რაზმის მეთაურის ცოლი იყო და ამიტომაც მას საშინლად სტანჯავდნენ, აწამებდნენ და დასცინოდნენ. მხოლოდ გერმანიაში საკონცენტრაციო ბანაკში გაგზავნის წინა დღეს ჩამოართვეს ქალს ჩვენება. ამ დღეს სასწაული მოხდა: ებრაქსია სტეფანეს ასული თავისი ორივე ქალით პარტიზანებმა გამოიყვანეს ციხიდან“

და გააპარეს“. საბუთი ხელმოწერილი და სა-
თანადოდ დამოწმებული იყო.

ქალღმერთი დავეცი და შენისა გადავეცი.

— მაშ ეს თქვენი ოჯახია?—შევეკითხე მას.

— დიახ, ასეა, ეპრაქსია სტეფანეს ასული
ჩემი დედაა, ევგენია კულრიავესკაია კი მე ვახ-
ლავართ,—მითხრა შენამ.

— მერე და ვინ ხელმძღვანელობდა იმ პარ-
ტიზანებს, რომლებმაც თქვენ ციხიდან გამო-
გიტაცეს?—შევეკითხე შენიას.

— მამაჩემი.

ეს უკვე ძალზე საინტერესო ამბავი იყო.
შენიას ვთხოვე დაწვრილებით ეამბნა თავისი
თავგადასავალი, ეთქვა ყველაფერი, რაც თავს
გადახდა.

— ომის წინახანებში, — დაიწყო მან, —
მეცხრე კლასში ვსწავლობდი. ბეჯითად ვმე-
ცადინებოდი, ყოველ წელიწადს ქების სიგე-
ლებს ვღებულობდი. მიყვარდა ივანე ფრან-
კოსა და ლესია უკრაინკას ლექსები... ბევრი
ზებირად ვიცოდით... დანარჩენი თქვენ წარ-
მოიდგინეთ. ხომ იცით, როგორი იქნებოდა
მეცხრე კლასის მოსწავლის ცხოვრება. ერთი
უცნაურობა მჭირდა: სისხლის დანახვაზე გუ-
ლი შემიწუხდებოდა ხოლმე, მიცვალებულის
დანახვა არ შემეძლო. ახლა კი ოცდათექვსმე-
ტი გერმანელი მყავს მოკლული და არც მო-
მავალში ამიკანკალდება ხელი. ეს იმიტომ.
რომ კარგად ვიცი—პიტლერელი სიკვდილის
მაუწყებელია, ქალისა და ბავშვის მკვლეელია,
კაციჭამიაა, მამასადამე, მისი მოსპობა კეთი-
ლი საქმეა, სამართლიანი საქმეა. ახლა კარ-
გად ვიცი, რომ, როცა ფაშისტსა ჰკლავ, სი-
ცოცხლეს უნარჩუნებ ჩვენს ადამიანებს, პა-
ტიარა ბავშვებს, უმწეო მოხუცებს... გულიც
დიმაგრდება, როცა სამართლიან საქმეს იცავ.

გერმანელებმა სუმის ოლქი რომ დაიკავეს,
მამაჩემი ერთ-ერთი პარტიზანული რაზმის
მეთაური იყო. მე და დედა მარტონი დავრჩით
კროლვეცკში. მე და დედა ამ რაზმის მეკავ-
შირენი ვავხდით. ამასთანავე მე კროლვეცკ-
ში არალეგალური კომკავშირული ჯგუფი
ჩამოვაყალიბე. მამას რაზმმაც იწყო ამასობა-
ში უფრო გაბედული მოქმედება. იარაღი
რაზმისათვის წინასწარ იყო ტყეში გადამა-
ლული. მე ვითომდა სოკოების მოსაგროვებ-
ლად დავდიოდი ტყეში, ფრთხილად მიმოიხ-
ნდა კალათით რევოლვრები. ხელყუმბარები
და დანიშნულებისამებრ ვაწვდიდი რაზმს. იმ
ხანებში გერმანელებისთვის მამაჩემის რაზმი
შეუთქმნეველი აღარ იყო. მალე თავს დაგვესხა
პოლიცია. მე, დედა და პატარა ნინა დაგვა-
ტყვევეს და ციხეში წაგვიყვანეს. ამ დროიდან
რწყება ჩვენი წამება, გაუგონარი წამება. მე
დაკითხვის პირველი დღიდანვე ვეცადე ხასია-



ენია კულრიავესკაია

თის სიმტკიცე გამომეჩინა, გესტაპოელ ჯა-
ლათებს არ შეეუშინდი. მტკიცედ გადაე-
წყვიტე ამ არამზადების წინაშე ქელი არ მო-
მეზარა...

ქალი ისევ შედგა, თმაზე ხელი გადაისვა,
ფიქრებმა გაიტაცა. თითქოს დაავიწყდა, რომ
მე ამბავს მომითხრობდა.

— ეენია, გცემდნენ ციხეში? — შევეკით-
ხე. ქალმა შემომხედა, უარესად მოიქუშა,
მოიღრუბლა.

— რასაკვირველია, მცემდნენ. აბა, ამას
რათ უნდა კითხვა. პატარა ნინას, ჩემს დას,
ხელს ჩაადებინებდნენ ხოლმე კარების ღრე-
ჩოში, შემდეგ კარს მიხურავდნენ. შემზარა-
ვად წიოდა ბავშვი, გული უწუნდა, შევლას
გვთხოვდა, მაგრამ რა შეგვეძლო... ამ წამების
დროს ერთხელაც არ მიტერია. ცრემლი არ
გადმომვარდნია, სიტყვა არ დამცდენია. მე და
დედამ ხომ ყველაფერი ვიცოდით! წარმოიდ-
გინეთ, საკონცენტრაციო ბანაკიდანაც შეე-
ძელით პარტიზანებთან დაკავშირება.

ერთ ღამეს ჩვენთან საკანში ესესელების
ფორმაში გამოწყობილი რამდენიმე შეიარა-
ღებული კაცი შემოიჭრა. მათი ოფიცერი ჩემ-
კენ წამოვიდა და თავზე დამადგა. შევხედე
და გაოცებისაგან კინალამ შეგვიღლე: მამაჩე-
მი იყო. იცნო დედამაც.

მე და დედამ ხმაამოუღებლად გადავხედეთ
ერთმანეთს. შეიარაღებულებმა მრისხანედ
დაგვიბრიალეს თვალები და გვიბრძანეს —
ახლავე წამოდექით, უნდა წაგიყვანოთო. ვი-
თომდა დასახარტად მივყავდით. ჩაგვსვეს
საბარგო მანქანაში და გაგვაქანეს პარტიზანუ-
ლი რაზმის ბანაკში. სიხარულისაგან აღარ



ჩემი თანაშემწენი

ვიცოდი რა მექნა: ხან ვტიროდი, ხან ვიციინოდი... პაწია ნინა პირდაპირ ჩიტივით ფრთხილებდა... მეუტსობებოდა მამა გერმანულ ტანსაცმელში. ძალე ღელა და ნინა თვითმფრინავით მოსკოვში გაგზავნეს. მე მამასთან დავრჩი და პარტიზანულ რაზმში ჩავეწერე. შვილ თვეს ვირიცხებოდი მებრძოლთა რიგებში. პირველ ხანებში დიდი თოფი მომცეს, „ღრაგუნკას“ რომ ეძახიან. იმით ვიბრძოდი, შემდგომ „კარაბინი“ ვიშოვნე... ბოლო ხანებში მეტყვიამფრქვევე გავხდი. ერთდროულად მენადმეობაც შევისწავლე.

— პირველ ბრძოლაში ალბათ ძალიან დეღავდი?—ვკითხე.

— სწორედ ასე იყო, ვღელავდი და თან ვცილობდი შიში ახლოს არ გამეკარებინა. პირველი ბრძოლის შემდეგ შიში გაქრა, გული გამიმავრა. გავიდა შვიდი თვე და პარტიზან ქალებს გვიბრძანეს — სანიტრებად უნდა დაიწყოთ მუშაობაო. მეწყინა. მე მინდოდა იარაღით ხელში მებრძოლა, მსროლელი ვყოფილიყავ.

ბრძოლის ველზე ბევრ დაჭრილს აღმოვუჩინე სათანადო სამედიცინო დახმარება. მაშინ მივხვდი, რომ სანიტარი იგივე მებრძოლია.

— აი ეს ორდენი,—მიჩვენა ყენიამ თავის მკერდზე,—ხიდის აფეთქებისათვის მივიღე. ჩვენმა ჯგუფმა ხიდის აფეთქებასთან ერთად გერმანელების ჯავშნიანი მანქანა და „ტანკეტი“ განადგურა.

...კარპატების მთებში ყენია მძიმედ დაიტრა. ის მამასთან ერთად თვითმფრინავით გადავგზავნეთ მოსკოვში.

დიდი ხანი არ არის მას შემდეგ, რაც ვასილ მოსეს-ძე კუდრიავესკისაგან მეგობრულ გრძნობით გამთბარი წერილი მივიღე. ახლა იგი იალტის ქალაქის მილიციის უფროსია. მისი ქალი ყენია იქვე ქალაქის საბჭოში კადრებისა და სპეცგანყოფილების გამგეა. როგორც ვასილ მოსეს-ძე მწერს, მამა-შვილი თურმე ხშირად ავადმყოფობენ. ექიმების დასკვნით მათი ავადმყოფობა ძველი ტრილობების გამოძახილია.

ლავით ბაქაძე საბჭოთა კავშირის გმირი



ანგარიშგება-არჩევნები უპარესად დღემნიშვნელოვანი მოვლენაა პიონერული ორგანიზაციის ცხოვრებაში. იმაზე, თუ ვის ავირჩევთ აქტივის შემადგენლობაში, დიდადა დამოკიდებული რაზმეულის მთელი შემდგომი მუშაობა. აქტივისტი პიონერი ყოველმხრივ სამაგალითო, ავტორიტეტული, ენერგიული უნდა იყოს. ჩვენც თბილისის ქალთა 6-ე სკოლაში რგოლის ხელმძღვანელებად, რაზმების საბჭოს თავმჯდომარეებად და წევრებად, რაზმეულის საბჭოს დია კენჭის ყრით ავირჩიეთ ასეთი მოწინავე პიონერები.

გაკვეთილების დამთავრების შემდეგ მოსწავლეთა ჟრიაფული კიდევ დიდხანს ვაისმის—მუშაობს პიონერთა რაზმეული, რომლის უმთავრესი ამოცანაა მოსწავლეთა ცოდნის გაფართოება, გაკვეთილზე მიღებული ცოდნის განმტკიცება. VI რაზმში შეკრება პიონერებმა ზეპირი ანგარიშის ხერხებს მიუძღვნეს. სწავლაში წარმატებების მოსაპოვებლად დიდ მუშაობას ატარებს V რაზმის საბჭოც. ზოგიერთი პიონერი საშინაო დავალებებს არ ასრულებდა, ცდილობდა ამხანაგებისაგან გადაეწერა სამუშაო და მასწავლებელი შეცდომაში შეეყვანა. ზოგიერთ პიონერს ასეთი „დახმარება“ მეგობრობად მიიჩნდა და უარს არ ეუბნებოდა ზარმაცებს. აქტივისტებმა ნ. ბერაძემ, ნ. მარგველაშვილმა, ნ. ფანჩიქემ ხმა აიმაღლეს პიონერთა ასეთი მოქმედების წინააღმდეგ. რაზმის საბჭოს ამ სხდომაზე აქტივისტებმა გადაწყვიტეს ჩამორჩენილებთან თვითონ იმეცადინონ.

რაზმეულის საბჭომ სასწავლო პროგრამასთან დაკავშირებით ჩატარა თემატური შეკრებები საჯურამოში, მცხეთასა და გორში.

საჯურამოში ჩატარებულ შეკრებაზე ილია ჭავჭავაძის ცხოვრებისა და მოღვაწეობის შესახებ მოხსენებები წაიკითხეს მ. მინდაძემ, ლ. მჭედლიშვილმა, თ. კვაჭაძემ და ნ. ნაცვლიშვილმა. დიდი სტალინის ბიოგრაფიის შესწავლასთან დაკავშირებულ შეკრებაზე საინტერესო მოხსენებები იქნა წაკითხული. მხატვრული განყოფილებაც ჩატარდა. რაზმეულის საბჭოს თავმჯდომარემ ლ. ჩაჩიბაიამ, წევრებმა ლ. ამბლობელომა, დ. უშვერიძემ, ნ. მჭედლიშვილმა და ნ. ბერაძემ ქსოვილზე დახატეს სახლი, საღაც დაიბადა დიდი ბელადი.

აქტივისტი პიონერების ნ. ნემსაძისა და დ. უშვერიძის ხელმძღვანელობით შექმნილია ელექტრო- და რადიოსაქმის შემსწავლელი წრეები, რომელთა წევრებმა პიონერთა ოთახში ელექტრო- და რადიოხანზი გამოიყვანეს.

რაზმეულის სამუშაო გეგმას უმთავრესად აქტივისტებისა და რაზმის ხელმძღვანელთა წინადადების მიხედვით ვადგენთ. მათ აზრს ვითვალისწინებ აგრეთვე ჩემი პირადი გეგმის შედგენის დროსაც.

აქტივზე დაყრდნობით, რაზმის ხელმძღვანელების, კლასის ხელმძღვანელებისა და სკოლის დირექტორის უშუალო მონაწილეობით მუშაობს ჩვენი რაზმეული.

3. შაისაია

თბილისის ქალთა მე-6 საშუალო სკოლის უფროსი პიონერხელმძღვანელი



საქართველო
ბიბლიოთეკა

ბიორგი კაჭახიძე

მხატვარი ბ. ჩირინაშვილი

ნინო მასწავლებელი

პოემა

I.

ზამთრის ჩუმი საღამოა,
 ძაღლის ყეფაც არსად ისმის,
 თოვს, და სოფელს მოპფენია
 ფანტელების თეთრი ნისლი;
 თოვს გულუხვად, და ეღება
 არემარეს მკრთალად ბინდი,
 ლამდება და ამ თოვაში
 შარაგზაზე ეს ვინ მიდის?!
 ჩაუარა გვერდით წისქვილს
 მოუსვენარს, მუდამ ხშიანს;
 აგერ გზიდან ერთ ეზოში
 მან თამამად შეუხვია,
 ფრთხილად მხარი აუქცია
 ჩამოთოლილ კაკლის ტოტებს,
 სახლთან შედგა და ხმამალა
 დაიძახა: — შინ ხარ კოტე?! —

ოდის კარი ახმაურდა,
 გამოხედა ბიჭმა სტუმარს,
 ნინო — კლასის ხელმძღვანელი —
 რომ იხილა, შეკრთა უმალ.
 უხერხულად მიეგება,
 მიიწვია შინ აღმზრდელი
 და აწეწილ თმაზე სწრაფად
 გადაისვა ბავშვმა ხელი.
 მშობლებს თვალთ გადაავლო
 და რა ეთქვა არ იცოდა.
 უმცროსმა დამ — მარიკელამ
 სტუმარს სკამი მიაწოდა.
 ნინომ ტკბილად მოიკითხა
 კოტეს დედა, კოტეს მამა,
 თან მომღიძარს თოვლის ფიფქი
 აღნებოდა წარბზე ნამად.
 მასპინძლები გახალისდნენ,
 გახალისდა მათი ოდა,
 თუმცა გრძნობდნენ, მათთან სტუმარს
 გასამხელი რაღაც ჰქონდა.

II

სოფლად ნინო მასწავლებელს
 ვინ არ იცნობს, ვინ არ აქებს!
 დაუქანცველს ეძახიან
 და მას მართლაც უყვარს საქმე.
 დასტრიალებს თავზე ბავშვებს
 სიყვარულით, როგორც დედა.
 აი, ახლაც მან მზრუნველის
 თვალთ კოტეს გადახედა:
 — რად ხარ, ბიჭო, დარცხვენილი,
 ან სახილო რად გაჩქეს სველი?
 გაიხსენე, აბა, დღეს რა
 ამოცანა ავიხსენით! —

კოტე მორცხვად ალულულდა,
 გაუჩერდა ლამის ენა...
 დედამ უთხრა: — ესეც შენი
 ცელქობა და თოვლში რბენა.
 არ გვიჯერის, რა იქნა, ნინო,
 ეს-ეს არის შინ დაბრუნდა;
 წიგნის კითხვას ურჩევნია
 ცელქობა და თოვლის გუნდა. —

ნინომ უცებ წარბი შეკრა:
 — მე არ ვიცნობ კოტეს ჯანა?!
 ჩიტს ტოტიდან ჩამოიყვანს,
 ეშმაკია იმისთანა.

ქუჩაში ხომ არ ისვენებს,
 ეშმაკობას კლასშიც ბედავს.
 გულახდილად უნდა გითხრათ,
 არ ბეჯითობს, ცელქობს მეტად.
 დღეს დაფაზე ამოცანას
 ჩვეულებრივ ვწერდი, ვხსნიდი...
 უცებ სარკმელს რაღაც მოხვდა,
 ახმაურდა კლასი მშვიდი.
 მივიხედე, და ბავშვები
 აცეცებენ მაღლა თვალებს;
 დავინახე, კლასში ჩიტი
 საცოდავად დაფრთხილებს.

— ეს რა არის?! — დავიძახე,
გაინაბა კლასი უცებ.
— ვინ იგიჟა?! — აბა, ადგეს! —
ვხედავ, ყველა კოტეს უცქერს.
კოტეს ახლა მეც შევხედე,
ის ჯერ მერხზე გაირინდა,
შემდეგ ადგა და თქვა მორცხვად:
„ძაპატიეთ... გამიფრინდა...“
— გაგიფრინდა! — უმაღლ სახე
მოედღუშა კოტეს მამას, —
ამ ცელქობით იხდი, შვილო,
დედისა და მამის ამაგს?!
სახამ გინდა იცუღლუტო,
რატომ გვარცხვენ, რად არ
სწავლობ?! —

კოტეს სახე აუწითლდა,
ძაძას თვალი გადაავლო:
— გამიფრინდა, თორემ ფრინველს
გავუძვევდნი კლასში განა?!
ვიცი, შევცდი... ჩიტი კლასში
ძე არ უხდა მიმეყვანა.
— რა ვთქვა, შვილო! —

უთხრა დედამ, —
ცელქობისკენ გაქვს თვალ-ყური.
ძე შოთაზე არ ძსძენია
მასწავლებლის საყვედური.
ბეჯითობდა, კაცი ვახდა,
შეხც ძმასავით იმაღნაზე,
მოიხძარე ჩვენი ზრუნვა,
ფრთა გამაღე ქვეყანაზე. —
ამ დროს კოტე უხებლიეთ
შოთას სურათს დააცქერდა.
შოთა თითქოს დიხჯი მზერით
სურათიდან ძმას არცხვენდა.
ნინო კოტეს მიუბრუნდა:
— არ გიხდება განზე ცქერა.
ვის ემდური! შეძოგვედღე,
აწ იკმარე ეს შერცხვენა.
ნურსად შენს თავს საფრთხობელად
ნუ გაუხდი მაღნაზ ჩიტებს.
დროზე კიდევ ითამაშე,
დროზე კიდევ იბეჯითე.
სასახელო უნდა იყოს,
წარმატებით ფრთავაშლილი.
მოწინავე კოლომეურნე
დედისა და მამის შვილი. —
კოტე იდგა თავდახრილი,
მის სინანულს გრძნობდა ყველა.
კუთხეში კი წიგნს ფურცლავდა
მომღიმარი მარიკელა.

III

აღარ თოვდა... თხელ ღრუბლებში
თვალს ახელდა მთვარის ლანდი,
როცა ნინო კოტეს მამამ
მიაცილა მის ბინამდი.

მვილზე მზრუნველ მასწავლებელს
მან მაღლობა უთხრა ტკბილი, —
გამობრუნდა და შინისკენ
მოწყენილი გაჰყვა ბილიკს.
გზაში დრო-დრო უშბლს უხსნიდა,
მუბლს მოღუშულს მვილზე ფიქრით,
ხის ტოტიდან ფრთავარფრით
დაცემული თოვლის ფიქვი.

IV

ერთმანეთის სუნთქვა ესმით,
ყველას ხმა აქვს გაკმენილი,
სიყვარულით, ერთი გრძნობით
კლასს იტაცებს გაკვეთილი.
სდუმს გარემოც... თოვს და
სარკმლებს
არ შორდება ნისლი მკრთალი,
მაგრამ ნათელს ჰფენს მაღნაზებს
ნინოს სიტყვა, ნინოს თვალი.
დაფაზე კი მკვირცხლი ლეო
ციფრებსა წერს ისე სწრაფად,
თითქოს თოვლის ფანტელები
აწყდებიან მწყობრად დაფას.
ფრთაშესხმული ციფრის ენა
ყველა ბეჯითს კარგად ესმის.
დაფას უმზერს ახლა კოტეც,
თავს იკავებს, იცავს წესრიგს.
თავგასული მხოლოდ ერთი
მოღუღუნე ბუხარია,
ზამთრით საქმე რომ გაუჩნდა,
თავს იწონებს, უხარია.



აწ იკმარე ეს შერცხვენა.



მხიარულად სულ გიზგიზებს,
 დუმილი და თვლენა არ სურს,
 ცელქი კოტეს შესაცდენად
 არ ანელებს ცეცხლი ტკაცუნს.
 მაგრამ კოტეც დაფას უმზერს,
 ყველას ხმა აქვს გაკმენდილი,
 ერთი გრძნობით, ერთი ფიქრით
 კლასს იტაცებს გაკვეთილი.

V

დღე მიიწურა. კვირაა,
 სოფლად ისვენებს ყველა.
 ქოხ-სამკითხველოს კიბეზე
 ნინო ამოდის ნელა.
 თოვლის ფარფატა ფიფქები
 მხრებზე აცვივა თრთოლვით:
 ჯერ აივანზე შეჩერდა,
 ჩამოიბერტყა თოვლი,
 მერე კარს მისწვდა და ოთახს
 თვალი მოავლო ირგვლივ,
 და იქ მყოფ კოლმეურნეებს
 შეეხმატკბილა იგი:
 — აღრე მოსულხართ, კარგია,
 მგონი მე გაკლდით მარტო! —
 დაჯდა, გაშალა გაზეთი
 ქვეყნის მოამბე, ფართო.
 გაესაუბრა მეზობლებს,
 მუდამ მათ გვერდით მდგომი;
 აგერ ახსენა მშვიდობა,
 აგერ — დამრბევი ომი.
 მშვიდობას ბურჯად უდგასო
 ბრძენი სტალინი ჩვენი, —
 ამბობს და გულით საუბრობს,
 ვით აგიტატორს შვენის.
 დიდი სიკეთის სინათლით
 სიცოცხლედ ქცეულ სიტყვას
 მშვიდობის მცველთა მხარდამხარ
 მსმენელნი რაზმად მიჰყავს.
 გარეთ ისევ თოვს, ეხვევა
 ბაღს და შენობებს ბინდი,
 კლუბის წინ ხალხი ირევა —
 კინოსურათი მიდის.

VI

ცა ხან ბრაზობს, ხან იცინის,
 ცვლის დროდარო ავდარს დარი.
 სამი დღეა ნინო არ ჩანს,
 გაცივდა და ავად არის.
 მოსწავლენი სწუხან გულით,
 სურთ ნინოსთან იყონ ახლო;
 შინ წასვლის დროს თამრიკომ თქვა:
 — დღეს აღმზრდელი უნდა ვნახოთ.
 — მეც ეს ფიქრი მქონდა, თამრო! —
 მკვირცხლად ლეომ დაიძახა.
 — ვნახოთ, ვნახოთ! ეამება
 მასწავლებელს ჩვენი ნახვა. —

წინ წამოდგა და გოგონას
 გაუცინა ვით ძმობილმა.
 უცებ კოტეს გადახედა,
 წამოდიო აგრძნობინა.
 ამ დროს კოტეს შარავნიდან
 ზურგზე მოხვდა თოვლის გუნდა.
 ცელქი მსროლელს გამოუდგა,
 თქვა: — გადახდა დროზე უნდა. —
 გაიქცა და. მალე გზაზე,
 ვით სჩვევია თოვლს და ზამთარს,
 ყმაწვილების მოსაწონი
 გუნდაობა გაიმართა.
 სიმკვირცხლე და აღტაცება
 მოთამაშეთ დიდი ჰქონდათ.
 და გუნდებიც იქით-აქეთ
 ბურთებივით მიმოქროდა.
 ბიჭუნებმა ბოლოს გული
 გუნდაობით რომ იჯერეს,
 ხელი თოვლით გათომილი
 უნებლიეთ შეაჩერეს.
 კოტემ უცებ შუბლი შეკრა, —
 გაახსენდა ლეო ახლა,
 მიიხედა, მოიხედა,
 მაგრამ ვერსად დაინახა.

— ეჰ, წასულან! — თქვა და გულში
 ტკივილივით იგრძნო წყენა,
 და ნინოსკენ წასულ ტოლებს
 ფრინველივით დაედევნა.
 მირბის კოტე, ეურჩება
 დათოვლილი თეთრი შარა.
 ბიჭს სირბილი უძნელდება.
 ტოლები კი არსად ჩანან.
 მიიჩქარის მაინც მკვირცხლად,
 გზა და თოვლი თითქოს არ ღლის.
 ორლობეში შეუხვია, —
 ჰა, გამოჩნდა ნინოს სახლიც.
 ტანსაცმელი შეისწორა,
 სურს ეჩვენოს აღმზრდელს კარგად,
 მაგრამ ჭიშკარს რომ მიაღდა,
 სითამამე დაეკარგა.
 „რაღ მოვრბოდი! ჩემვან ნახვა
 ეამება აღმზრდელს ნეტავ?!“
 გაიფიქრა და ნინოსთან
 მარტო შესვლა ვერ შეებედა.
 ავადმყოფთან მას ტოლებმა
 რომ შეასწრეს, დასწყდა გული...
 გამობრუნდა და შინისკენ
 გზას გაუდგა შუბლშეკრული.

VII

ცეცი ქარი ამოიჭრა,
 ღრუბლები შორს გადაყარა:
 ცამ თანჯარა გააბრწყინა
 ავადმყოფის გასახარად.
 აგერ საწოლს მკრთალმა სხივმა
 საალერსოდ მოატანა,

მაგრამ წინო მასწავლებელს
სინარული აკლდა განა?!
რა ხანია მალხაზებმა
ინახულეს, გაახარეს...
წავიდხენ და მათი ღიმი
სხივად დარჩა ჭერს და კარებს.
წინოს ჩუმად ეღიმება,
ვით მშობელი ძათზე ფიქრობს;
მათი მკვირცხლი ლაპარაკი
ახლაც ტკბილად ესმის თითქოს.
ფიქრმა თვალზე გაუბრწყინა
სინარულის ცრემლი უცებ:
„ამ მალხაზებს რომ ვუტყერი,
წლები როგორ მომახუტებს!
სიყვარულით მოსილია,
ვისც სიკეთეს თესავს ხალხში“.
და ამ გახცდის შუქი წინომ
შეაფრქვია ღიმიით ქმარ-შვილს.

მზე ჩავიდა. არემარეს
ბიხდით ძხრები დაუძძიმდა,
ღამდებოდა, და ოთანში
ელხათურა აციმციმდა.

VIII

ეიფივებენ ბელურები,
ეზოს შვენის ღებენა მათი;
გვერდჩაძრული თივის ზვინთან
არ ჩანს კოტეს კაკანათი.
ფერხულს უვლის გულწითელა,
მონდებილად ზვინთან დახტის,
საკეხკს ეძებს, არ ეტყობა

ჰქონდეს შიში, ჰქონდეს დარდი.
აგერ თვალი ეშმაკურად
ცელქ ბელურებს დაახერა:
უკვიოს, კოტე რომ ჩიტუნებს
აღლო დასდევს დასაჭერად.
ჰე, რა იცის გულწითელამ,
თუ რა ხდება კოტეს გულში,
საცულუტოდ, საეძაკოდ
ბიჭუკელას ხელს რა უძლის!
ჰე, ოა იცის გულწითელამ,
რატომ სდება კოტე დიიჯი,
წინომ როგორ ეეაოცვია
ცულუტობის გამო იიჯი!
პიოიეოთა შეკრებაზე
კოტეს ქცევა ოგორო დაგმეს,
როგორო ცდილობს კოტე ასლა,
რომ დაუდოს გული საკეს;
სიზოასაცეს, უყესობას
დაუზგოროს საყესით იუდე...
აი, მიტომ ზის და კოსტად
წის გასილილი წიგბი უდევს.
სურს ააძოს ძხოუიველ სიობლებს,
დაეწაფოს ცოდხის წყაროს,
ბეჯითობით, კარგი სწავლით



ცელქი მსროლელს გამოუდგა.

აღმზრდელეები გაახაროს.
მაგრამ აგერ მოენატრა
კვლავ ცელქებთან ხტომა, რბენა,
მოსაწყენად მოეჩვენა
წიგბთან ჯდომა, წიგნის ენა.
— ჯერ გავეითილს ზომ ვერ მოვრჩი!
არა, ეს რა გავიფიქრე?! —

ამბობს გულში, და კვლავ წიგნის
წასაკითხად ძალას იკრებს.
თავი კოხტად დაიჭირა
და განაგრძობს დინჯად კითხვას;
თან ახარებს, რომ ახერხებს
წიგნთან ჯდომას ასე დიდხანს.
ფიქრის თვალით ნინოს ხედავს
ისევ მხნეს და ჯანით სავსეს;
აგერ თითქოს მასთან მოდის,
ხელს ღიმილით უსვამს თავზე.

IX

დილა არის, ზამთრის დილა,
მზიანი და მაინც ცივი.
ბროლის ბრწყინვას ჰგავს ყინულის
ლოლულებზე მზის ციმციმი.
მოსწავლენი ერთობიან,
ხიბლავთ დილის სილამაზე...
ეს ვინ არის, რომ გამოჩნდა
სკოლის ეზოს იქით გზაზე?!
თეთრი თავშლით თავშეფუთვნილს
აქვს ნაბიჯი ნელი, მტკიცე.
მალხაზები აჩურჩულდნენ,
მომავალი მყისვე იცნეს.
ფრთა შეესხათ, თითქოს უცებ
გაზაფხული დადგა სოფლად:
მიეგებნენ მასწავლებელს,
მიულოცეს კარგად ყოფნა.
მარჯვნივ თამრო, მარცხნივ ლეო
ამოუდგნენ აღმზრდელს გვერდით,
ნინომ ტკბილად გაიცინა:
— ნუ გგონიათ, რომ დავებრდი!
თმა თეთრდება, მაგრამ გულში
ისევ ღვივის სიყმაწვილე...
ხომ არ ცელქობთ, ან უჩემოდ
კლასში ხომ არ მოიწყინეთ?! —
ყველას რაღაც გამოჰკითხა.
გახალისდა მათი ხილვით:
ამ კარგებში კოტეც იდგა
მომღიმარი, თავდახრილი.
კოტეს ქცევამ ნინოს გულში
სინარულად დაიბუდა,
გზა განაგრძო, და ბავშვები
ფრთაშესხმული გაჰყვნენ გუნდად.

X

მერხებზე სხედან ბავშვები
ჩიტებად დაფრენილები.
ლხენით გიზგიზებს ბუხარიც.
შეორთქლილია მინები.
თვალს შემოაჰყეტს ხანდახან
მზე გულის გამხარებელი...
გიზგიზა ბუხარის მახლობლად,
დგას ნინო მასწავლებელი.

შეწითლებული თითები
აუწყევით მალხაზებს.
მზეც თითქოს წასაქეზებლად
სხივს აცილებს დაფაზე.
კოტეც თითსა სწევს თამამად.
ბიჭი ბეჯითებს ედრება, —
და ნინოს თვალიც უეცრად
ღიმილით მასზე ჩერდება.
კოტე წამოდგა, გასწორდა,
თვალს ავლებს ტოლ-ამხანაგებს,
გადის დაფასთან, და ციფრებს
მწყობრად ციფრებთან ალაგებს.
აგერ შეჩერდა... აგერ კვლავ
განაგრძო, გაჰყვა ბოლომდი...
ნინოს ეამა და უთხრა:
— კარგია, ასეც ველოდი!
შენზე მე მითხრეს, დაგმოო
ჩიტების დევნა, ცელქობა...
ყოჩაღ! ცვლილება საქები.
აი, სწავლაშიც გეტყობა.
საქმეში წინ ვინ არ მიდის,
დრო განა დასაჯარგია?!
ეცადე მომავალშიაც
ყოველთვის ვითხრან: — კარგია!
ცოდნა წყაროა ანკარა,
არცოდნა — მღვრიე მორევი. —
კოტეს უცქერენ სიამით
თვალმოცინარე სწორები.
კოტე კი მორცხვობს, წითლდება,
ვარდი ეშლება სახეზე,
სურს უთხრას ნინოს მადლობა,
მაგრამ თქმას ვეღარ ახერხებს.
გრძნობს, ბეჯითობა მოსწავლეს
როგორ ახარებს, არგია,
და ფიქრობს ისე ისწავლოს,
ყოველთვის უთხრან: — კარგია!





მთი სემპოტოო შოქის

528

დილის 7 საათია. გაისმა ზარის ხმა. კოჯრის მეხუთე საბავშვო სახლის დერეფნები გოგონების მხიარული ხმებით აივსო. ამ სახლში 168 გოგონა ცხოვრობს. გოგონებს უმეტეს ნაწილს მშობლები სამამულო ომის დროს დაედუბა. აქ ცხოვრობენ ბავშვები, რომელთა მამები გმირულად იბრძოდნენ სამშობლოს დასაცავად, ბავშვები, რომელთაც დედები და უფროსი და-ძმები ბომბარდირებისა და საარტილერიო სროლის დროს დაკარგეს. ამ ბავშვებმა ადამიანის ცხოვრების ყველაზე ადრეულ პერიოდში ნახეს სიკვდილის საშინელება, განიცადეს შიმშილი, უბედურება.

აქ იზრდება ორი უკრაინელი გოგონა, დები ანა და რაია ჩუმჩენკოები. ისინი კრასნოდარის მხარის სოფელ ფარნაგორიიდან არიან. ბედნიერად და შეძლებულად ცხოვრობდა ჩუმჩენკოების ოჯახი, საკოლმეურნეო შრომით მიღებული დოვლათი დღითიდღე ზრდიდა ოჯახის კეთილდღეობას...

დაიწყო სამამულო ომი. ოჯახის მამა და სამი ძმა სამშობლოს დასაცავად წავიდნენ და გმირულად დაიღუპნენ. გოგონებმა საკუთარი თვლით ნახეს, როგორ იწვოდა გერმანელების მიერ ცეცხლწაქიდეულ სახლთან ერთად მათი საყვარელი დედა.

ობლებს ძლიერმა და კეთილმა სამშობლომ გადააფარა თავისი მზრუნველი ხელი. 6 წელია ისინი კოჯრის საბავშვო სახლში იზრდებიან, თავიანთ მეგობრებთან ერთად ბეჯითად სწავლობენ და შრომობენ.


წინასწარ დადგენილი შინაგანაწესით ცხოვრობს საბავშვო სახლი. დილის გამაზხნევებელი ვარჯიშის, ტულეტისა და საუზ-

მის შემდეგ პირველი ცვლის ბავშვები იქვე მახლობლად მდებარე საშუალო სკოლას მიაშურებენ, დახარჩენები კი სამეცადინო ოთახებში მიდიან და მასწავლებელ-ადამრ-დელების მეთვალყურეობის ქვეშ მეცადინეობენ, ამზადებენ გაკვეთილებს, ასრულებენ საშინაო დავალებებს. გოგონებმა სასწავლო წლის დასაწყისიდანვე ენერგიულად მოჰკიდეს ხელი სწავლას და სასწავლო წლის პირველი ნახევარი წარმატებით დაამთავრეს. მაგრამ გოგონები მიღწეულით არ კმაყოფილდებიან. ახლა ისინი მთელი მონღო-მებით მეცადინეობენ, ეხმარებიან ჩამორჩენილ ამხანაგებს. ცდილობენ შესაძენ მეთხედის ბოლოს არ ჰყავდეთ არც ერთი ჩამორჩენილი მოსწავლე.

მეცადინეობიდან თავისუფალ დროს დღის პირველი საათიდან ორ საათამდე გოგონები სამკერვალო სახელოსნოში ატარებენ. აქ ხელსაქმის მასწავლებლების ჩუბრიკიძასა და სტივის ხელმძღვანელობით სწავლობენ ქრა-კერვას, ქარგვას, ქსოვას. სახელოსნოს კედლებზე გამოფენილია შესანიშნავი ოსტატობით შესრულებული მათი ნამუშევრები. ამ საქმეში განსაკუთრებული ბეჯითობითა და შესრულების ოსტატობით გამოირჩევიან მოსწავლეები დუნია კორობოვა, შურა პანტიგინა, რაია ჩუმჩენკო, ოლია კოლესოვა და სხვები.

მრავალმხრივ საინტერესო მუშაობას ატარებენ ბავშვები საგნობრივ წრეებში. ლიტერატურული წრის სხდომებზე, რომელშიც გაერთიანებულია 45 ბავშვი, მოსმენილ იქნა მოხსენებები პუშკინის, ლერმონტოვის, ოსტროვსკისა და ჩვენი ეპოქის უნიჭიერეს-





პოეტის მათკავსკის შემოქმედებაზე. განსაკუთრებული ინტერესით ჩატარდა დისპუტი საკითხზე „როგორი უნდა იყოს ნამდვილი ადამიანი“. ამ დისკუსიაში გოგონები ერთი-მეორეს უზიარებდნენ თავიანთ აზრს, თუ როგორი უნდა იყოს ნამდვილი ადამიანი, ჩვენი დიადი სამშობლოს ღირსეული შვილი. მათი გამოსვლებიდან აშკარა იყო, რომ მათ აერთიანებთ ერთი კეთილშობილური ნათელი მიზანი — გახდნენ სამშობლოსათვის სასარგებლონი. ასეთივე ინტერესით ტარდება მათემატიკისა და ქიმიის წრეების სხდომები.

ამ ბეჯით გოგონებს სწავლასა და შრომასთან ერთად მზიარული დასვენებაც უყვართ. აქ ჩამოყალიბებულია სიმებიანი ორკესტრი, სიმღერისა და ცეკვის გუნდი. ისინი ხშირად აწყობენ შეხვედრებს მწერლებთან, ხელოვნების მუშაკებთან, წარმოების მოწინავე ადამიანებთან. ამას წინათ აქ მოეწყო შეხვედრა პოეტ-აკადემიკოს იოსებ გრიშაშვილთან.

კოჯრის საბავშვო სახლში აღზრდილები ჩვენი ქვეყნის სხვადასხვა კუთხეში არიან გაფანტულები. ზოგი მათგანი უკვე შეუღდა შრომითს საქმიანობას, ზოგი ჯერ კიდევ სწავლობს, მაგრამ ისინი არასოდეს არ ივიწყებენ თავიანთ მშობლიურ სახლს, თავიანთ პირველ აღმზრდელებს და ხშირად სწერენ მათ. საბავშვო სახლის დირექტორმა ვ. სი-

ხარულიძემ გვიჩვენა თავისი ყოფილი აღზრდილების წერილები. ისინი სწერენ თავიანთ წარმატებებზე შრომასა თუ სწავლებაზე, სთხოვენ აღმზრდელებს მისწერონ თავიანთი უმცროსი დების ცხოვრების ყოველგვარი წვრილმანიც კი.

პიონერთა ოთახის დათვალიერებისას ვესაუბრე იქ მყოფ რამდენიმე გოგონას. ვთხოვე მათ ეამბნათ ჩემთვის რა მოხდა მათ ცხოვრებაში ამ უკანასკნელ ხანებში ყველაზე ღირსშესანიშნავი. ერთ-ერთმა მათგანმა, ქერათმიანმა გოგონამ, მე-8 კლასის ხუთოსანმა მოსწავლე ზინაიდა ბუროვამ მიაგმო, რომ მისთვის და მისი მეგობრებისთვის ყველაზე ღირსშესანიშნავი იყო, როდესაც ისინი დირექტორის მოადგილე ლიდა მიხაილოვასთან ერთად ბელადის სამშობლო ქალაქ გორში გაემგზავრნენ.

— ჩვენც აუცილებლად ვნახავთ ძია სტალინის სახლს. აი, გავიზრდებით, ბეჯითად ვისწავლით, უთუოდ წავალთ და ვნახავთ, — ამბობდნენ სახეგაბრწყინებული მეოთხეკლასელები.

მომავალი ბედნიერებისადმი ისეთი შეიშრყველი რწმენა გამოსჭვიოდა მათ ხმაში, ისეთი საზეიმო გამომეტყველება ჰქონდა მათ სახეებს, რომ ამ სახეებისა და სიტყვების დავიწყება შეუძლებელია.

ბ. ბახშაძე



ა ნ ჩ ა რ ი

ანჩარის შესახებ ევროპელებმა დიდი ხნის განმავლობაში მხოლოდ ლეგენდებიდან იცოდნენ. ანჩარი მომაკვლინებელ ხედ ითვლებოდა. ეს მცენარე ზონდის კუნძულზე და ინდოჩინეთში იზრდება. პირველად XIV საუკუნეში იგი აღწერა პორტუგალიელმა ბერმა კატალონმა. მან ანჩარს „სიკვდილის ხე“ უწოდა, ამტკიცებდა — ყვავილობის დროს ანჩარი თავისი სურნელით ჰკლავს ადამიანებსო. კატალონს არ ენახა ანჩარი, მან იგი სხვების ნათქვამით აღწერა. ანჩარი არ უნახავს 1780 წელს ინდოეთში ნამყოფ ექიმ ფურსაც, მაგრამ იგი მაინც, აღწერდა რა ანჩარს ინგლისურ ეურნალში, იტყობინებოდა, რომ „სიკვდილის ხის“ თავზე გადამფრენი ფრინველები ეცემიან მისი შხამით მოწამლულები და არც ერთი მცენარე არ ხარობს იქ, სადაც ანჩარი იზრდებაო.

1804 წელს ანჩარი ნახა ფრანგმა ბოტანიკოსმა დე ლია გურმა. აღმოჩნდა, რომ ის ეკუთვნის იმ ოჯახს, რომელსაც თუთის ხე, მას მაღალი, სწორი ღერო აქვს, ხშირი და სქელი გვირგვინი. თუ ანჩარის კანს გავკრიოთ, იქიდან გამოჟონავს გამკვირვალე შხამიანი წვენი. ადგილობრივი მცხოვრებნი ნადირობისას ამ წვენით შხამავენ ისრებს თავიანთი მშვილდისათვის. ყველაფერი დანარჩენი ამ ხის შესახებ მოჩამახულია: — ანჩარის ხშირ ფოთლებში არაიშვიათად ისმის ფრინველთა გალობა. ანჩარის ნაყოფი შხამიანი არაა, ხოლო თესლი ციებ-ცხელებისა და დიზინტერიის განკურნებასაც კი შეუძლია.

მტკვრის სათავესკენ



მ თ ხ რ ა ბ ა *

მეფისპყვილის ნათქვამი

ბანაკის შუაგულში, შემადლებულ ადგილას, პიონერებს უზარმაზარი კოცონი გაეჩაღებინათ.

ცეცხლის პირას მოხუცი, თეთრწვერა კაცი იჯდა და რაღაცას ესაუბრებოდა ბანაკის ხელმძღვანელსა და ბავშვებს. ეს მოხუცი ახლომდებარე სოფლის მეწისქვილე იყო. წედან თავის წისქვილიდან თვალი მოეკრა მტკვრისპირას აყრიამულებული ბავშვებისათვის და ამ ბანაკის დასათვალიერებლად მოსულიყო.

სათნო და კეთილი სახე ჰქონდა მოხუცს. ახარებდა ბავშვების მხიარული ყიყინი. ცეცხლიც ხალისიანად ტკაცუნობდა და ნათელს ჰვენდა პიონერების შეწითლებულ სახეებს.

ის-ის იყო მოხუცმა ხერთვისის ციხის ლეგენდა დაამთავრა, რომ სათევზაოდან დაბრუნებული ბავშვების ჟრიაბულიც გაისმა. ყველაზე წინ ჩვენი ნაცნობი ცისფერთვალა გოგი მორბოდა. შუშის ქილა მალდა აეწია და ყვიროდა:

— კალმახი, კალმახი დავიჭირე!
მერცხალას გული შიშით უცემდა და თავ-

გიორგი შაგუპრაშვილი
მხატვარი გ. რკინიშვილი

ზარდაცემული ათვალიერებდა ცეცხლის ალით გაძუქებულ ბანაკს.

რახანია მშობლიური მტკვრის ნაპირს დაშორდნენ, მდინარის ხმაური ოდნავლა ისპოდა. რამდენი რამ განიცადა მტკვრის ნაპირს ქოშორებულმა მერცხალამ გზაში. რაც უფრო წინ მიიწევდნენ მეზალური ბიჭები, მით უფრო მეტი შიში და მოუსვენრობა იპყრობდა მას. თითქოს სიცოცხლეს შორდებოდა და სიკვდილს უახლოვდებოდა. გადარჩენის პატარა იმედიც კი ქრებოდა. ირგვლივ, ყოველ მხარეს, მცირე ჭალითა და ბუჩქნარით დაფარული ხმელეთი ჩანდა. ის მცირეოდენი წყალი, რომელიც მერცხალას გარს შემოსდგომოდა, სულს უხუთავდა, შიშს უფრო და უფრო უძლიერებდა.

„სული ამომხდება ამ სივიწროვეში“ — ფიქრობდა ის და გრილ მინას ეკვროდა. შემკრთალი ხან ცას შესცქეროდა, ხან იმ გზას გახედავდა, რომელსაც ბავშვები მიჰყვებოდნენ.

ბანაკში შესვლამ ხომ მთლად დააფეთა მერცხალა. წითელყელსახვევიანი ბავშვები გამორბოდნენ და თევზაობიდან დაბრუნებულ მეგობრებს ეგებებოდნენ.

ბავშვები ჯერ დიდ კალათს შემოესივნენ. მერე მერცხალას ქილას მიაშურეს, „კალმახი, კალმახი“, იძახდნენ ისინი და მერცხალას ცნობისმოყვარეობით ათვალიერებდნენ. ეს უზარმაზარი, ცნობისმოყვარეობით აღსავსე თვალები კალმახს აფრთხობდა, ის ციბიანივით ცახცახებდა, კრთოდა და შუშის კედლებს აწყდებოდა.

— განი, განი, გზა მომეცით, კალმახი ჩემია, აუზში უნდა ჩავსვა! — ყვიროდა გოგი და ბანაკის შუაგულისაკენ მიიწევდა.

* გაგრძელება. იხ. „პიონერი“ № 2.

„ხეტაც აუზიდან თუ შეიძლება გააბრავ“
— ფიქრობდა მერცხალა და აუზში მალე
მოხვედრა ენატრებოდა.

დილით საწისქვილე წყლის მახლობლად
პატარა სათამაშო აუზი გაეკეთებინათ ბი-
ჭებს, სწორედ ამ აუზში ჩასვეს მერცხალა.
მერცხალამ შეინაგარდა, გამოცოცხლდა.
შუშის ქილასთან შედარებით ეს პატარა გუ-
ბე უხარმაზარ ტბად მოეჩვენა.

— ხედავთ, როგორ გამოცოცხლდა, რა
სწრაფად დაცურავს! — კმაყოფილებით
იძახდა გოგი და მერცხალას თვალს არ
ამორებდა.

მაგრამ მერცხალას მხიარულება დიდხანს
არ გაგრძელებულა. მზუზე გამთბარ წყალს
უსიამოვნო გემო და მღვრიე ფერი ჰქონდა.
მერცხალას პაერი არ ჰყოფნიდა, ძლივს სუნ-
თქავდა, თიხის ვიწრო კედლებს აწყდებოდა
და მალე ამოხტომას ლამობდა.

ტყვე კალმახის ირგვლივ შეკრებილი მო-
ხუცი მეწისქვილე მიუახლოვდა. ბავშვებმა
პატივისცემით დაუთმეს გზა. მეწისქვილემ
გუბეს ჩახედა, თიხის ლამში მინაბული კალ-
მახი თვალთ მოძებნა, უღვაშებში ჩაიცინა
და ხმამაღლა წამოიძახა:

— ბავშვებო, კალმახი მთის მდინარეების
თევზია, მას უყვარს ჩქარ, ანკარა წყალში
ცხოვრება. აქ კალმახი ვერ გაძლებს. აი ნა-
ხავთ ორ-სამ დღესაც ვერ იცოცხლებს!

მერცხალას თითქოს ლახტი დაჰკრესო,
ისე მოხვდა ეს სიტყვები. ის ელვის სისწრა-
ფით გასხლტა და გუბის ნაპირს მიეხალა.

„ორ-სამ დღეში, ორ-სამ დღეში“ — ფიქ-
რობდა იგი. „ნუთუ ორ-სამ დღეში მოვკვდე-
ბი?“

ბიჭები ჩაფიქრებული დასცქეროდნენ და-
ფეთებულ მერცხალას.

— ისე სწრაფია, რომ თვალს ვერ მოას-
წრებ! — ამბობდნენ კალმახის მოქნილობით
მოხიბლული ბავშვები.

— კალმახი ყველაზე მარდია თევზებში...
ხერთვისიდან თურქეთში ხელად გადავა-
მტკვრის სათავეს მიაღწევს! — თქვა მეწის-
ქვილემ და ხელი შორს, შორს, მტკვრის
ხეობისაკენ გაიშვირა.

— შორს არის აქედან მტკვრის სათავე?
— შეეკითხა მეწისქვილეს გოგი.

მოხუცმა ერთხანს იყუჩა, ამოიოხრა და
ხელი კვლავ სამხრეთისაკენ გაიშვირა.

— აგერ იმ მთებს გადახვალთ თუ არა,
საქართველოს მიჯნა თავდება და თურქეთი
იწყება. ჩვენი მტკვრის სათავე ახლა თურ-
ქეთშია. უწინ კი იქაც საქართველო იყო.
ვერაგმა თურქებმა წაგვართვეს ის მიწა-
წყალი. ქართველი ხალხის დიდი ნაწილი
ამოწყვიტეს და გაანადგურეს!



მეწისქვილემ ხელი შორს, შორს, მტკვრის ხეობის-
კენ გაიშვირა.

— ნუთუ სულ ამოწყვიტეს?

— არა, რამდენიმე ქართული სოფელი ახ-
ლაც არის მტკვრის სათავეში. მაგრამ ვაი
იმათ ყოფნას!

მეწისქვილემ ხელი ჩაიქნია და ბავშვებს
გამოეთხოვა.

გაისმა ზარის ხმა. ბავშვები საუბრით დაი-
შალნენ. გოგამ თავის თმანუჭუჭუა მეგობარს
მკლავში ხელი მოსჭიდა და შეაჩერა.

კალმახი ნაპირთან მოცურებულყო და
გაყინული თვლებით შესცქეროდა ჩამავა-
ლი მთვარის სხივით გაშუქებულ ბავშვების
სახეებს.

თმანუჭუჭუა ბიჭი ჩაცუცქდა, კალმახს დაა-
შტერდა და წაიწურჩულა:

— ხედავ, ძლივსლა მოძრაობს, გაუშვი!

— არა, დილაზე წყალს გამოვუცვლი, გა-
მოვაცოცხლებ, — ჯიუტად თქვა გოგამ და
კარვისკენ გაბრუნდა. თმანუჭუჭუამ ხელი ჩა-
იქნია და გოგის უკან დაედევნა. თითქოს კი-
დედ რაღაცის თქმა უნდოდა.

კეთილი ბიჭები

მერცხალას სევდით აუთრთოლდა გული.
აი ახლა ალბათ სანადიროდ დასრიალებს
კალმახები მტკვარში, დაცურავენ მთვარით
გაშუქებულ გრილ ტალღებში და იქნებ და-
ქარგული მეგობარი აღარც კი ახსოვთ.

აქ კი რით უნდა გაიტანოს თავი მერცხა-
ლამ, რით უნდა იარსებოს. ირგვლივ წებო-
ვანი თიხის კედლებია, მღვრიე წყალი.

მერცხალა მალე ამოცურდა, უნებურად
გულაღმა გადმობრუნდა, ხარბად ამოისუნ-
თქა და მთვარეს მიაშტერა თვლები.



აღბათ სიკვდილი მოდის. მაშ რად დაუსუსტდა ფრთები, რატომ ვეღარ ამოძრავებს მათ ისე ღონივრად, როგორც წინათ, საღ გაქრა მისი სიმკვირცხლე!

ბანაკი ძილს მოეცვა. კარებიდან ბავშვების თავისუფალი წყნარი ფშვინა მოისმოდა. ზაფხულის ცელქი სიო არხევდა კარვის კალთებს და მძინარე ბავშვებს მზემოკიდებულ სახეზე ეალერსებოდა.

აო ეძინა მხოლოდ გოგის. დაწოლისას ერთი წუთით ჩასთვლიდა და მაშინვე უცნაური რამ ესიზმრა. წამოჯდა, ვერ გაარკვია. ცხადში იყო თუ სიზმარში.

... მდინარის პირას ვიღაც ბიჭი იდგა. იცნო გოგიმ, ის მისი თმახუჭუჭა მეგობარი იყო. იგი მდინარეს გასცქეროდა და იღიმებოდა. ტალღებიდან ორ პატარა კალმახს ამოეყო თავი. ისინი მადლიერი თვალებით შესცქეროდნენ ბიჭს, უღიმოდნენ. თავს უქნევდნენ და ლოცავდნენ. მდინარის პირას მდგარი ხუჭუჭთმიანი ბიჭი უსაზღვროდ ბედნიერი ჩანდა, ხელს უქნევდა კალმახებს და კმაყოფილი იცინოდა...

ამ უცნაურმა სიზმარმა ძილი გაუფრთხო გოგის, თვალწინ დაუდგა პატარა, მღვრიე გუბეში მარტორდმარტო მიტოვებული კალმახი. გული სიბრაღულით აევსო.

რა ბედნიერია ახლა ის ორი პატარა კალმახი!

ახლა ისინი თავისუფლად დასრიალებენ მშობლიურ მდინარეში და ტყვე მეგობარს სინანულით იგონებენ.

გოგი წამოხტა, რაღაცას ფეხი წამოჰკრა. რაღაც დაბრახუნდა. იქვე მწოლიარე თმახუჭუჭამ თვალი გაახილა და უკმაყოფილოდ ჩაიბუზღუნა:

— რა ამბავია, გოგი. რატომ არ გეძინება?

გოგიმ კარვის ფარდა გადასწია. გარეთ სიბნელე მეფობდა, მთვარე ჩასულიყო.

— წამოდი, — ჩურჩულით უთხრა გოგიმ ამხანაგს, — წამოდი, ჩემი კალმახი უნდა გავუშვა.

— არა, ხომ იცი, უნებართვოდ კარვიდან გასვლა ამ დროს არ შეიძლება!

— წავიდეთ ხელმძღვანელის კარავში... ნებას მოგვცემს.

ბიჭები კარვიდან სიბნელეში გავიდნენ. უცებ მეზობელ კარავთან ვიღაც შენიშნეს, რომელიც ელექტროფარნით გზას იშუქებდა და მათკენ მოდიოდა.

— ხელმძღვანელია...

გაისმა ჩურჩული სიბნელეში.

ბავშვები ხელმძღვანელისკენ გაეშურნენ და მის წინ დარცხვენინი შეჩერდნენ.

როდესაც ხელმძღვანელმა ბავშვების ლისწადილი გაიგო, კეთილად გაიღიმა. მისი კარავში შევიდა და მეორე ელექტროფარანი გამოიტანა.

ბავშვებმა ხელმძღვანელს მადლობა გადაუხადეს და გზას დაადგნენ.

მალე კალმახის გუბეს მიადგნენ და მისი ზედაპირი ელექტრონის შუქით გაანათეს.

მერცხალა მოულოდნელმა სინათლემ დააფრთხო.

— ნუ შფოთავ, კალმახო, ნუ... — ღიმილით ჩასძახა გოგიმ კალმახს.

მერცხალა მათ ფეხებთან, გუბის ნაპირას სიხარულით აფართქალდა. მას წედანვე, როცა მათი ფეხის ხმა გაიგონა, გულმა უგრძნო, რომ მის თავს რაღაც უჩვეულო ამბავი ხდებოდა.

გოგი დაიხარა და მერცხალას დახედა.

— ხედავ, გულალმა დაცურავს, ეს ცუდი ნიშანია.

— ნულარ გავაწვალებთ, აგერ ის წისქვილის წყალი ქვევით ისევ მტკვარს უერთდება, გავუშვათ.

გოგი დაიხარა და მერცხალა ხელში აიყვანა. მერცხალამ სული განაბა. ბიჭი სიბრაღულით დაჰყურებდა კალმახს და თავს აქეთ-იქით იქნევდა.

— როგორ დასუსტებულა საბრალო...

რამდენიმე ნაბიჯზე წისქვილის წყალი ქშეოდა. ბიჭები რუსკენ გაიქცნენ. გოგიმ ერთი კიდევ დახედა მერცხალას, მერე წყალში გადააგდო და მიაძახა:

— აბა, ჩემო კალმახო, წადი, შენც გაბედნიერდი!

მერცხალამ შეიფართხალა, გაინავარდ-გამოინავარდა და ისევ ნაპირთან მოცურდა.

— იქნებ მტკვრის სათავეს მიაღწიო და ჩვენი ძველი სამშობლო ნახო... სალამი გადაეცი ჩვენს დაჩაგრულს ძმებს, სალამი! — ჩურჩულებდა მდინარის პირას გაჩერებულ ბიჭი.

მერცხალა უკვე თავისუფალი იყო, ის გამოაცოცხლა მტკვრის ტოტის სიგრილემ. ფრთები შეათამაშა და ბანაკისკენ მიმავალი ბიჭები გულში დალოცა.

ღონე და სიმხნევე დაუბრუნდა მერცხალას. მას მართლაც შეეძლო ახლა დაუსრულებლივ, თუნდაც მტკვრის სათავემდის ეგლო.

მაგრამ გაიგნებს კი გზას?

(დასასრული იქნება)



სოლომონ კიბრიკიძე

მეტად მძიმე ხანაში მოუხდა მეფობა ორ მეტად თავდადებულ და ქვეყნის მოამავე პიროვნებას, — აღმოსავლეთ საქართველოში ერეკლე მეორეს (1744-1798), ხოლო დასავლეთ საქართველოში (იმერეთში) სოლომონ პირველს (1752-1784).

ოსმალეთი დასავლეთ საქართველოს მეტად მძიმე ხარკს ახდევინებდა. სხვა სავალდებულო გადასახადთან ერთად იმერეთის მეფეს ყოველწლიურად 40 ქალ-ვაჟი უნდა გაეგზავნა ოსმალეთის სულთნისათვის. ეს მეტად მძიმე და დამამცირებელი ხარკი იყო ქვეყნისათვის. ამას ზედ ერთვოდა ტყვეთა გაყიდვა. ლეკთა რაზმები და თვით ოსმალებიც ქურდულად დაძრწოდნენ დასავლეთ საქართველოს სოფლებში ღამით თუ დღისით და ეტაცებდნენ მცხოვრებლებს, რომლებიც ყანაში ან თავიანთ კარ-მიდამოში მუშაობდნენ. დღე მათ დაბურულ ტყეებში ანდა გამოჩაბულებში მალავდნენ, ხოლო ღამით საცალფეხო ბილიყებითა და მიუვალი გზებით გადაყავდათ ოსმალეთში და შემდეგ სტამბოლის ბაზარზე ყიდდნენ.

გარდა ამისა, დასავლეთ საქართველოს ზოგიერთი მთავარი და თავადი თავიანთ ყმებს ყიდდა ოსმალეთში. ასეთმა გარემოებამ გლახობა და, საერთოდ, მუშახელი გა-

აჩანავა, რამაც გამოიწვია ქვეყნის მეურნეობის დაცემა.

სოლომონმა გაითვალისწინა, **ტრეკაჩიძე** ქანებდა ეს მოვლენა უფსკრულისაკენ ქართველ ხალხს, და ტყვეთა გაყიდვას სასტიკი ბრძოლა გამოუტანა. იგი თავდადებულ ბრძოლას აწარმოებდა ოსმალებისა და ლეკების თარეშის წინააღმდეგ. ამავე დროს ადგილობრივ თავადებს, რომელთაც შეამჩნევდა, რომ ისინი თავიანთ ყმებს ყიდდნენ, სასტიკად სჯიდა, მამულებს ართმევდა, ამდაბლებდა.

სოლომონ პირველის დიდი ამაგიტა და ზრუნვით ქვეყანაში თითქმის მოისპო ტყვეთა გაყიდვა. ხალხმა შედარებით თავისუფლად ამოისუნთქა. ქვეყანამ მოშენება და მოღონიერება იწყო.

სოლომონ პირველის ღიაწლი მარტო ამით არ ამოიწურება. მან შესძლო დასავლეთ საქართველოს თავგასული და ურჩი მთავრები აელაგმა, შინაური შფოთი და მტრობა მოესპო, ქვეყანა შემოემტკიცებინა და ერთი ცენტრალიზებული ხელისუფლება შეექმნა.

სოლომონ პირველმა განამტკიცა სამეფოს შიგნით თავისი ხელისუფლება, შემდეგ შეეცადა ოსმალეთის უღლისაგან გაეთავისუფლებინა დასავლეთ საქართველო და შეიწყვიტა ხარკის ძლევა. ამან გამოიწვია ოსმალეთის რისხვა და სულთანმა აუარებელი ჯარი ახალციხის მიდამოებით დასაიღო საქართველოს შემოოსია. სოლომონი მტერს ხრესილის მიდამოებში დახვდა და სასტიკად დაამარცხა იგი.

მთელ თავის სიცოცხლეში სოლომონ პირველი შეურიგებელ ბრძოლას აწარმოებდა ოსმალეთის მიმართ. მან მხურვალე მონაწილეობა მიიღო ერეკლე მეორესთან ერთად რუსეთ-ოსმალეთის ომში (1768—74 წლებში). რუსი ჯარის დახმარებით სოლომონმა გარეკა დასაიღო საქართველოდან უმთავრეს ციხეებში ჩამდგარი ოსმალეთის ჯარი.

სამშობლოს სიყვარულისა და ოსმალთა წინააღმდეგ სასტიკი ბრძოლისათვის ხალხმა მას სოლომონ დიდი უწიდა.

სოლომონი გარდაიცვალა 1784 წელს. ჯერ კიდევ ჭარმაგი. დაკრძალეს გელათს. მეფეთა სავანეში. მისი საფლავი იდესაც დაცულია გელათის მთავარ ეკლესიაში.

ჯამთავე ნაერთული



დაზიანებული თვალი

და მაგნეტო

3. ორლოვი



ვლადიმერ ორლოვს თავის წიგნში „გამომგონებლის ხაიდუმლოება“ მოჰყავს პატარა შემთხვევა, რომელმაც გამოგონების იდეა მისცა ახალგაზრდა ყმაწვილს. ამჟამად სოციალისტური შრომის გმირს, სტალინური პრემიის ლაურეატს, საბჭოთა მოტორების ცნობილ მშენებელს აკადემიკოს მიკულინს.

უბრალო, მაგრამ დამახასიათებელი მაგალითით ავტორი მიუთითებს მკითხველზე, რომ ხშირად ახალი მეთად ხაირო გამოგონების იდეა და მისი გადაწყვეტა შეიძლება ყოველ დაკვირვებულ ადამიანს შემთხვევით შეხვდეს ცხოვრებაში — ახალგაზრდა იქნება ის თუ ხნიერი.



რაც არ უნდა ვთქვათ, რაც არ უნდა ვიცინოთ, ცოტად თუ ბევრად გამომგონებლობაში მაინც არსებობს ბედი და მისი სასვებით უარყოფა არ შეიძლება.

მოვიყვანოთ ერთი მაგალითი ნატკენი თვალის შესახებ.

დაახლოებით ორმოციოდე წლის წინათ მფრინავები მატარებლით მოგზაურობდნენ, ხოლო თავიანთი თვითმფრინავები მატარებლის სპეციალური ვაგონით გადაჰქონდათ.

იმ ხანებში ხალხი აეროდრომზე დადიოდა არა როგორც მგზავრი, არამედ როგორც მაყურებელი ცირკში.

თვითმფრინავები შორ მანძილზე ვერ დაფრინავდნენ. ისინი აეროდრომის თავზე ორიოდ წრეს აკეთებდნენ და მაშინვე დაბლა ეშვებოდნენ. ამას მაყურებელი აღფრთოვანებული ტამით ხვდებოდა.

ფრენა იმ ხანებში საკვირველ საქმედ ითვლებოდა და მის საყურებლად სპეციალური ბილეთები იყიდებოდა.

განსაკუთრებული წარმატებით სარგებლობდა მაშინდელი რუსი ავიატორი უტოჩკინი.

ყოველი გაფრენის ბოლოს გადმოდიოდა თვითმფრინავიდან და მაყურებლებს ხელს ართმევდა. რასაკვირველია, ის იმ დროს

ვერც კი ამჩნევდა ხალხში გარეულ გიმნაზიელს.

გიმნაზიელი გვარად მიკულინი იყო.

საუზმისათვის განკუთვნილ ფულს ეს გიმნაზიელი აგროვებდა და შემდეგ კი ამ თანხით ბილეთს ყიდულობდა, რომ უტოჩკინის არც ერთი გაფრენა არ გამოეტოვებინა. ის სიზმარშიც კი ხედავდა უტოჩკინს. აგროვებდა მის სურათებს და უტოჩკინს რომ ეთქვა მიკულინისთვის: „მიკულინო! შედი ჩემთვის ცეცხლში“, — ის შევიდოდა.

ერთხელ აეროდრომზე კინალამ უბედურება მოხდა: ერთ-ერთი გაფრენის დროს თვითმფრინავის ძრავი გაჩერდა — მაგნეტომ უმტყუნა, თვითმფრინავი მიწისკენ წამოვიდა. მიკულინს ერთი წუთით გული შეუჩერდა. მაგრამ მფრინავმა მაინც მოახერხა თვითმფრინავის მშვიდობიანად დაშვება. ამ დღეს ხალხი აღელვებული დაიშალა.

ყველაზე ნაკლებად კი თვით უტოჩკინი დღავდა. (წყეული მაგნეტო ხშირად ლალატობდა და ამიტომ ძრავის გაჩერება მისთვის ჩვეულებრივ მოვლენად იქცა). მიკულინი კი აღშფოთებული იყო. მას ფერი აღარ ედო. გული გამალეებით უშგერდა, თითქოს სხვისი ფეხებით მიდიოდა, ვერაფერს ხედავდა გარემო.

ფრთოსან გმირზე ოცნება იტაცებდა მას. მიაქროლებდა სივრცეში.

აი, თითქოს ისინი მიფრინავენ არაჩვეულებრივი მანქანით, უტოჩკინი და ის — მიკულინი, გიმნაზიელი... გიმნაზიელმა მიკულინმა გამოიგონა ჯადოსნური მაგნეტო, რომელიც არასოდეს არ ლალატობს. ეს მაგნეტო მან მიართვა უტოჩკინს. ამას მთელი ხალხი ხედავდა და მათ წინაშე მას — გიმნაზიელს გმირმა ხელიც კი ჩამოართვა.

მოსახვევში ღმუილი გაისმა. მიკულინი გამოერკვა. გვერდზე გაიხედა. მოსახვევიდან მისკენ ვეება კაცი მორბოდა. ზედ მიადგა. მთვრალი სახე მიკულინის სახეს მიუახლოვა.



— ზემოთ. — უთხრა დერეფანი და ოთახის ნომერიც.

მიკულისმა კიბე აირბინა... **ეროვნული მიკულისა**
კარი გამოაღო და კინალამ გაიჭყლა, —
დიდი გმირი მისგან ორ ნაბიჯზე იდგა.

— აღამიანს ორი თვალი აქვს! — წაილულულა გიმნაზიელმა, — დაუზიანე მარცხენა — მარჯვენა მაინც გამოიყურება.

გიმნაზიელი გიჟს ჰგავდა.
— მე თვალის გამოთხრას არავის ვუპირებ, — თქვა მკაცრად უტოჩკინმა.

— არა... — იყვირა გიმნაზიელმა, — ეს ასე არ მინდოდა შეთქვა! თქვენს მანქანაზე ერთი მაგნეტოა... დადგით ორი! ერთი გამოვა მწყობრიდან, მეორე იმუშავებს!

ავიატორმა გიმნაზიელს მხრებში ხელი მოჰკიდა, ჩააშტერდა თვალეზში.

— შესანიშნავი აზრია! — თქვა მან. ფრენის პირობები გაუმჯობესდა. უტოჩკინი მოგზაურობდა სხვადასხვა ქალაქში თავისი თვითმფრინავით. ყოველი გაფრენის შემდეგ გიმნაზიელს ფოსტით პრემიას უგზავნიდა — ათ მანეთს.

მიკულისისათვის ეს პირველი პრემია იყო ავიაციაში, პირველი გამოგონებისათვის. ამჟამად აკადემიკოსი მიკულისი შრომის გმირია. შემთხვევამ — ჩალურჯებულმა თვალმა — მისცა მას იდეა გამოგონებისათვის.

თარგმანი პ. კარბელაშვილისა

ჩააშტერდა. ერთი თვალი ნაცემი და დალურჯებული ჰქონდა, მეორე კი შემადრწუნებელი ღიმილით მისჩერებოდა მიკულისს. უცებ ჰაბტუკმა პირი იბრუნა და ქუდმოვლევადი გაიქცა. ის შიშისაგან კი არ ვარბოდა, უეცარმა აზრმა გაუელვავა, ფრთები შეასხა.

აი მოედანიც, მეეტლეები, ჩირალდნებით განათებული კარები — სასტუმრო „ანგლექერი“. „სად ცხოვრობს უტოჩკინი?“ — ქშენით ეკითხება ის კარისკაცს.



წყალი იხვის

მაყურებლის თვალწინ შენ ასხამ ჩვეულებრივ წყალს ჯამში. პატარა მაშურათი იღებ მუხუდოს მარცვლის სიდიდის ლითონ ნატრიუმს და აგდებ წყალში. უცებ იფეთქებს ნამდვილი ალი! — ნატრიუმი წყალში გამოყოფს წყალბადსა და ბივრ სითბოს, ამ სითბოსაგან კი ალდება წყალბადი.



ნატრიუმი მასწავლებელს სთხოვე. გაწმინდე იგი უანგისაგან, რაც ნატრიუმს ჰაერში იღება. როცა მას წყალში აგდებ, ნუ დაიხრები სახით ჯამზე.

კვამლი უხეხნოღ



მაგიდაზე დგას მუყაოს ნაჭრებით დახურული ორი ჭიქა. აიღე რა მუყაო, შენ უჩვენებ მაყურებელს, რომ ორივე ჭიქა ცარიელია. მერე სწრაფად ხურავ ერთ ჭიქას მეორე ჭიქით. მალე შიგ ბოლქვად ავარდება სქელი თეთრი კვამლი.

საიდუმლო იმაში მდგომარეობს, რომ შენ წინასწარ ქიმიურ კაბინეტში ერთი ჭიქა მარილმეყავაში ამოავლე, ხოლო მეორე ჭიქა — ნიშადურის სპირტში. მათი ორთქლის არევისაგან შექმნა ნიშადურის წვრილი კრისტალები, რომელიც კვამლს მოგვაგონებს.



ტური შრომის ჩვევების უქონლობა ყველაფერში გან და ყველაფერში იჩენს თავს, ყველაფერში აგედევნება კვალდაკვალ, როგორც აჩრდილი“.



რას გვასწავლიდა მ. ი. კალინინი

საბჭოთა სახელმწიფოსა და ბოლშევიკური პარტიის გამოჩენილ მოღვაწეს, დიდი ლენინისა და სტალინის ერთგულ თანამებრძოლს, მსცოვან ბოლშევიკს მ. ი. კალინინს მხურვალედ უყვარდა საბჭოთა ახალგაზრდობა. იგი ხშირად ხვდებოდა ახალგაზრდობას და ხალისით უზიარებდა თავის მდიდარ პრაქტიკულ გამოცდილებასა და ღრმა ბოლშევიკურ სიბრძნეს. თავის მხრით, საბჭოთა ახალგაზრდობასაც უსაზღვროდ უყვარდა კალინინი და თავის საყვარელ მასწავლებლად და მეგობრად მიაჩნდა იგი.

რას ასწავლიდა მიხეილ ივანეს-ძე ახალგაზრდობას?

უწინარეს ყოვლისა, მისი რჩევა და სურვილი იყო ახალგაზრდობა დაუფლებოდა მეცნიერებას, ესწავლა კარგად, გატაცებოდა და შეუბოვრად. „ამხანაგებო! — მიმართავდა იგი მოსკოვის საშუალო სკოლების მოსწავლეთა ერთ-ერთი თათბირის მონაწილეთ, — მე, ისე როგორც თქვენ ყველას, არ შეიძლება მქონდეს სხვა სურვილები, გარდა იმისა, რომ თქვენ კარგად ისწავლოთ, ეს საერთო სურვილია, დედებისა და მამების სურვილი, მთავრობის, პედაგოგების, უფროსი თათბის სურვილი“.


მიხეილ ივანეს-ძეს სკოლა იმ ერთადერთ ადგილად მიაჩნდა, სადაც ახალგაზრდობა ეჩვევა სისტემატურ მუშაობას და ღებულობს სისტემატიზებულ ცოდნას. სხვაგვით, სკოლის გარეშე მიღებულ ცოდნას კალინინი ნაკლოვან, არა სისტემატიზებულ ცოდნად სთვლიდა. ამიტომ იგი ახალგაზრდობას აფრთხილებდა: „ვინც არ გაივლის სკოლას, მას გაუჭირდება ცხოვრებაში, მას გაუჭირდება მუშაობა, ეს ნაკლი, ე. ი. სისტემატიზებულ ცოდნისა და სისტემა-

კალინინი ღრმად იყო დარწმუნებული, რომ მომავალში მხოლოდ იმ ადამიანს ექნება სახელმწიფოებრივ და საზოგადოებრივ ცხოვრებაში რაიმე მნიშვნელობა, ვინც გამოიჩენს უნარს იმუშაოს სისტემატურად და საქმის ცოდნით. ის ადამიანები კი, რომელნიც ბრწყინავენ გარეგნული და ზეირეულ კულტურულობით, რომელთაც ცოტა-ცოტა ყველაფერი იციან, საფუძვლიანად კი არაფერი, საბჭოთა საზოგადოებისა და სახელმწიფოს ცხოვრებაში ვერ შეასრულებენ რაიმე მნიშვნელოვან როლსო. მიხეილ ივანეს-ძე ასეთ ადამიანებს ონეგინის ტიპის ადამიანებს უწოდებდა.

ამგვარად, მიხეილ კალინინი ახალგაზრდობას ურჩევდა დაუფლებოდა მეცნიერებას, ესწავლა შეუბოვრად, სკოლაში მიეღო სისტემატიზებული ცოდნა და სისტემატური მუშაობის ჩვევები.

შემდეგ კალინინი მოუწოდებდა ახალგაზრდობას ეცხოვრა დიდი, იდეური ცხოვრებით, ეცხოვრა და ეშრომა ისე, როგორც ცხოვრობდა და შრომობდა დიდი ლენინი, როგორც ცხოვრობს და შრომობს დიდი სტალინი. ასეთ ცხოვრებას იგი მთელ დედამიწაზე ყველაზე საინტერესო ცხოვრებად სთვლიდა.

როგორ ესმოდა მიხეილ ივანეს-ძეს დიდი, იდეური ცხოვრება? რას გულისხმობდა იგი ამ სიტყვებში? აი რას: „იცხოვრო დიდი, იდეური ცხოვრებით, — განუმარტავდა იგი ახალგაზრდობას, — ეს ნიშნავს იცხოვრო შენი ღროის ყველაზე მოწინავე, ყველაზე პროგრესული კლასის საზოგადოებრივი ინტერესებით, ამქამად კი — საბჭოთა ხალხის, სოციალისტური სამშობლოს ინტერესებით:





თუ თქვენ იცხოვრებთ ამგვარი ინტერესებით, თუ თქვენი ყველა აზრი მიმართული იქნება იქითკენ, რომ კიდევ უფრო განადიდოთ თქვენი ხალხი, კიდევ უფრო ამაღლოთ თქვენი სამშობლოს ეკონომიური და სამხედრო ძლიერება, თუ თქვენ მთელ ძალღონეს მოახმარებთ კომუნისტების სრული გამარჯვებისათვის ბრძოლას და ეს დიადი იდეა უმთავრესი იქნება თქვენს შეგნებაში, მე ვჭვია არ მეპარება, რომ თქვენ ნამდვილად იცხოვრებთ დიდი ცხოვრებით“.

დიდ, იდეურ ცხოვრებაში პრაქტიკული ჩაბმისათვის მიხეილ ივანეს-ძე კალინინი ახალგაზრდობას ურჩევდა კარგად დაუფლებოდა სასწავლო პროგრამის სამ საგანს. ამ სამი საგანიდან იგი პირველ რიგში მშობლიურ ენას ასახელებდა. რატომ მშობლიურ ენას? ამ კითხვანზე მიხეილ ივანეს-ძე ასე უპასუხებდა: „მშობლიური ენის შესწავლა — ეს უდიდესი საქმეა. ადამიანის აზროვნების ყველაზე უმაღლესი მიღწევები, ყველაზე უდიდესი ცოდნა და ყველაზე მგზნებარე გრძობები ადამიანებისათვის უცნობი დარჩება, თუ ისინი ნათლად და ზუსტად არ იქნა გაფორმებული სიტყვებით: ენა — ეს აზრის გამოსატყმელი იარაღია.“

... აი რატომ ვლაპარაკობ, რომ მშობლიური ენის ცოდნა — ეს ყველაზე ძირითადია, რაც საჭიროა თქვენი შემდგომი მუშაობისათვის“.

მეორე საგნად, რომელიც ახალგაზრდობას გარეთვე პირველ რიგში უნდა შეესწავლა

დიდ, იდეურ ცხოვრებაში ჩაბმის მიზნით, მიხეილ ივანეს-ძე მათემატიკას ასევე ურჩევდა. „რა მეცნიერებასაც არ უნდა შეისწავლოთ, — დედო, — ამბობდა მ. ი. კალინინი, — რომელ უმაღლეს სასწავლებელშიც არ უნდა შეხვიდეთ, რა დარგშიც არ უნდა იმუშაოთ, თუ თქვენ იქ რაიმე კვალის დატოვება გინდათ. ამისათვის ყველგან საჭიროა მათემატიკის ცოდნა. და რომელი თქვენგანი არ ოცნებობს ახლა გახდეს მეზღვაური, მფრინავი, არტილერიისტი, კვალიფიციური მუშა ჩვენი მრეწველობის სხვადასხვა დარგში, მშენებელი, მეტალურგი, ზეინკალი, ხარატი და სხვა, გამოცდილი მექანიკოსი, მეცხოველე, მებალე და სხვ., გზის სპეციალისტი. ორთქლმავლის მემანქანე, ვაჭრობის მუშაკი და სხვ. მაგრამ ყველა ეს პროფესია მათემატიკის კარგ ცოდნას მოითხოვს. და ამიტომ, თუ თქვენ გინდათ მონაწილეობა მიიღოთ დიდ ცხოვრებაში, დაეუფლოთ მათემატიკას, სანამ ამის საშუალება გაქვთ. იგი შეძღვრული იქნება დახმარებას გაგიწევთ ყოველ თქვენს მუშაობაში“.

მესამე აუცილებელ საგნად მიხეილ ივანეს-ძეს ფიზკულტურა მიაჩნდა. „რატომ დავაყენე ფიზკულტურა რუსული ენისა (ე. ი. მშობლიური ენის. ა. ბ.) და მათემატიკის გვერდით? რათ მიმაჩნია იგი სწავლებისა და აღზრდის ერთ-ერთ ძირითად საგნად?“ — კითხულობდა მიხეილ ივანეს-ძე და იქვე უპასუხებდა: „პირველ რიგში იმიტომ, რომ მე მინდა თქვენ ყველანი ჯანსაღი საბჭოთა მოქალაქენი იქნეთ. თუ ჩვენმა სკოლამ გამოუშვა ნერვებგაფუჭებული და კუჭაშილი ადამიანები, რომელთაც ყოველწლიურად დასჭირდებათ კურორტებზე მკურნალობა, ეს რაღა გამოვა? ასეთ ადამიანებს გაუჭირდებათ ბედნიერების პოვნა ცხოვრებაში. აბა, რა ბედნიერება უნდა იქნეს, თუ კარგი, მაგარი ჯანმრთელობა არა გაქვს?“

მეორე მხრივ, მე ვლაპარაკობ ფიზკულტურის შესახებ, იმიტომ, რომ მინდა ჩვენი ახალგაზრდები მარჯვე და ამტანნი იქნან“.

მაგრამ ზემოთქმული ისე არ უნდა გავიგოთ, თითქოს მიხეილ ივანეს-ძე ახალგაზრდობას ურჩევდა მხოლოდ და მხოლოდ ამ სამი საგნის შესწავლას, ასეთი დასკვნა ძლიერ შემცდარი იქნებოდა. მიხეილ ივანეს-ძე ახალგაზრდობას აფრთხილებდა: „ამხანაგებო, როდესაც მე გელაპარაკებთ რუსული ენის (რუსულ ენაში მ. ი. კალინინი მშობლიურ ენას გულისხმობს), მათემატიკისა და ფიზკულტურის შესახებ, ამით სრულიადაც არ მინდა სასკოლო სწავლების სხვა საგნების მნიშვნელობის დამცირება. მაშასადამე, ეს არ ნიშნავს იმას, რომ თქვენ შეგიძ-

ლიათ უყურადღებოდ მიატოვოთ ყველა დანარჩენი საგანი. ამ სამ საგანზე მხოლოდ იმიტომ შევჩერდი, რომ მე ეს საგნები მიმაჩნია ბაზად, რომელიც ყველა სხვა საგნის შეთვისებას გაგვიადვილებს და საშუალებას მოგცემს დიდ ცხოვრებაში შეხვიდეთ“.

ამგვარად, დიდ, იდეურ ცხოვრებაში შესვლა და ამ მიზნით პირველ რიგში სასწავლო პროგრამის სამი საგნის — მშობლიური ენის, მათემატიკისა და ფიზიკულტურის ღრმა, საფუძვლიანი დაუფლება, რომელთა ბაზაზედაც შესწავლილი უნდა იქნეს არანაკლები სიღრმითა და საფუძვლიანობით სასკოლო პროგრამის სხვა დანარჩენი საგნებიც.

ასეთი იყო მიხეილ ივანეს-ძე კალინინის მეორე ფრიად მნიშვნელოვანი და სერიოზული რჩევა-დარიგება ახალგაზრდობისადმი.

გარდა აღნიშნულისა, მიხეილ ივანეს-ძე ურჩევდა ახალგაზრდობას ყრმობის ასაკიდანვე განესაზღვრა თავისი ცხოვრების გზა, ე. ი. ამოერჩია პროფესია, გამოემუშავებინა საკუთარი ხასიათი, ნებისყოფა და მსოფლმხედველობა. იგი მოითხოვდა თითოეული ახალგაზრდა ადამიანი ფრთხილად და სერიოზულად მოპყრობოდა ამ დიდ საქმეს.

მ. ი. კალინინი ურჩევდა ახალგაზრდებს: პროფესიის არჩევის დროს მხედველობაში მიედოთ ის ფაქტი, რომ ისინი არიან მოქალაქენი საბჭოთა ქვეყნისა, რომელიც გარემოცულია მტრებით; რომ მათ მოუხდებათ

უფრო მძიმე და სასტიკი ბრძოლის გადატანა, უფრო ძლიერ და ცბიერ მტრებთან ბრძოლა, რე ეს ძველ თაობებს მოუხდათ.


რომ გადამწყვეტ შეტაკებაში მივალწიოთ გამარჯვებასო, — არიგებდა მიხეილ ივანეს-ძე ახალგაზრდობას, — აუცილებელია საკუთარი ხასიათის, საკუთარი ნებისყოფის გამოწრთობა ყოველდღიურ ბრძოლაში. ამისათვის აუცილებელია ზუსტად განსაზღვრო შენი ადგილი სოციალისტურ მშენებლობაში. ზედმიწევნით დაეუფლო შენი ცხოვრების არჩეულ საქმეს“.

ამასთანავე, მიხეილ ივანეს-ძე ხაზს უსვამდა იმ დიდ როლს, რომელსაც თამაშობს გარკვეული პროფესია, მტკიცე ხასიათი, ნებისყოფა და მსოფლმხედველობა ადამიანთა პირად ყოფა-ცხოვრებაში. ასეთ ადამიანსო, — ამბობდა იგი, — უფრო გაუადვილებდა ყოველგვარი უბედურებისა და დრამის გადატანა, ვიდრე ისეთ ადამიანს, რომელსაც არ გააჩნია გარკვეული იდეა, მოწოდება და გარკვეული პროფესია ცხოვრებაში.

ასეთი იყო მესამე შესანიშნავი რჩევა-დარიგება მიხეილ ივანეს-ძე კალინინისა ახალგაზრდობისადმი.

მიხეილ ივანეს-ძეს კიდევ სხვა მრავალი საჭირო რჩევა-დარიგება მიუცია ახალგაზრდობისათვის, რომელთა შესწავლა დიდად დაეხმარება ჩვენს ბეჯით პიონერ-მოსწავლეებს.

ა. ლ. გილანოვილი





დოლის პური

ხორბალი საქართველოს ერთ-ერთი უძველესი და უმნიშვნელოვანესი, ყველაზე ძვირფასი სასურსათო კულტურაა. ქართველი ერი ხორბალს დასაბამიდანვე თესავდა და თესავს. გლეხკაცმა კარგად იცოდა და იცის, რომ პურეულის მარცვალი ადამიანის ყოველდღიური და ამასთან აუცილებელი, ძირითადი საზრდოა.

მრავალფეროვანია ხორბლის გამოყენება, მისგან ბევრი სხვადასხვა ნაწარმი მზადდება. ამიტომ ხორბალს მარცვალთა შორის ყოველთვის პირველი ადგილი ეჭირა.

მაგრამ ხორბალი ჩვენში არასოდეს ისეთი ყურადღებით არ სარგებლობდა, როგორც ახლა, საბჭოთა ხელისუფლების პირობებში. ბოლშევიკების პარტიის, დიდი სტალინის განუწყვეტელი მზრუნველობით ჩვენში ყოველწლიურად იზრდება ხორბლის ნათესი ფართობი და მოსავლიანობა. იზენება და ითესება სულ მეტი და მეტი მიწები, ფართოდ ინერგება ხორბლის შემოწმებული და უხვმოსავლიანი ჯიშები, უმჯობესდება ნათესების მოვლა. ამის შედეგია, რომ თითოეულ ჰექტარზე 20-30 ცენტნერი და მეტი მარცვლის მიღება ახლა იშვიათი არ არის.

დიდი სტალინის უახლოესმა თანამებრძოლმა, ქართველი ხალხის საამაყო შვილმა ამხანაგმა ლავრენტი ბერიამ საქართველოს მშრომელებს ამოცანად დაუსახა უახლოეს დროში უზრუნველყონ რესპუბლიკის მოთხოვნილებების დაკმაყოფილება საკუთარი მარცვლეულით, ფართოდ გაავრცელონ ისეთი მაღალხარისხოვანი იიში, როგორიცაა დოლის პური და სხვა ჯიშები.

რით არის დოლის პური საყურადღებო, რა ძვირფასი თვისებები აქვს მას?

დოლის პური ხორბლის სამემოდგომო უძველესი ადგილობრივი, ქართული წამყვანი ჯიშია. იგი წარსულშიც გავრცელებული ყოფილა ქართლში, კახეთში, იმერეთში, რაჭაში, სვანეთშიც კი. ამიტომ არის, რომ თანდათანობით შერჩევით და გამრავლებით ამჟამად ჩვენში გვხვდება „ქართლური თეთრი დოლი“, „თიანეთური დოლი“, „ტყის დოლი“, „კახური დოლი“, „წითელი დოლი“, „ქართლური წითელი დოლი“, „მესხური დოლი“ და სხვ.

მათში მთავარია თეთრი დოლი, რომელიც ჩვენში სამემოდგომო ხორბლის კულტურის საფუძველია. როგორც თეთრი დოლის, ისე მის სახესხვაობათა ძირითადი დამახასიათებელი თვისება ის არის, რომ კარგად იტანენ ჩვენი ქვეყნის შემოდგომა-ზამთრისა და გაზაფხულის პირობებს, კარგად ვითარდებიან და უხვ მოსავალს იძლევიან.

თეთრი დოლი, ანუ „დოლის პური“, თეთრთავთავიანი, ფხიანი, შეუბუხავი და მოწითალომარცვლიანია. თავთავის სიგრძე 7-10 სანტიმეტრია. მარცვლი საშუალო ზომისაა, მოგრძო-ოვალური, 1.000 ცალი 29-30 გრამს იწონის. საშუალო საადრეო ჯიშია. ზამთარს კარგად იტანს ზღვის დონიდან 1.000-1.200 მეტრამდე. მარცვალმა

ჩაცვენა თითქმის სრულიად არ იცის. მდიდარია ცილოვანი ნივთიერებებით და წებოვარაბიციმისი ფქვილი თეთრია, ფხვიერი, ცომი — ძარღვიანი. ცხობის ნამატი 45 პროცენტს აღწევს. მოსავლიანობის მხრივაც თეთრ დოლს ქართლში მეტოქე არ ჰყავს.

თიანეთური დოლი ქართლის თეთრი დოლისაგან უმთავრესად იმით განსხვავდება, რომ სიცივისა და ტენის უფრო ამტანია,



აქვს ღონიერი, მაღალი უხეში ჩალა. მისი მარცვალის უფრო მსხვილია. ძირითადად გავრცელებულია ერწო-თიანეთში.

ტყის დოლიც შედარებით მეტი ტენიანობისა და გრილი ჰაერის მოყვარულია. მცენარე საშუალო ან საშუალოზე მაღალია. ხალა შედარებით მსხვილი და მაგარი აქვს, თავთავი დიდი და მრავალმარცვლიანი. ბევრი ითესება ღუშეთისა და თეთრი წყაროს რაიონებში.

თეთრი დოლისავე, სახესხვაობაა კახური დოლი, რომელსაც ახასიათებს მაღალი და ღონიერი ღერო, დიდი თავთავი, უხეში და გრძელი ფხა, მსხვილი მარცვალი. უყვარს ნოყიერი ნიადაგი. გავრცელებულია თითქმის მთელ კახეთში.

ჩვენებური თეთრი დოლისაგან მიღებულია აგრეთვე გაუმჯობესებული ახალი ჯიშები „დოლის პური 35-4“ და „დოლის პური 018-46“. პირველი განსაკუთრებით კარგ შედეგს იძლევა სამხრეთ ოსეთში და ხაშურის, ქარელის, გორის, კასპის, მცხეთის, საგარეჯოს რაიონებისა და თბილისის გარეუბნის ურწყავ პირობებში. მეორე


კი ძირითადად — გორის, თეთრი წყაროს, ბორჩალოსა და საგარეჯოს რაიონების უწყავ ზოლში.

საქათველოს ბოლშევიკების ნაცადმა ხელმძღვანელმა ამხანაგმა კ. ჩარკვიანმა 1950 წლის ოქტომბერში საქ. კ. პ. (ბ) ცენტრალური კომიტეტის პლენუმზე აღნიშნა, რომ თუმცა დოლის პური ფრიად ძვირფასი ჯიშია, საჭიროა მისი შემდგომი გაუმჯობესება, ყველა ნაკლის გამოსწორება. დოლის პურის ძირითადი ნაკლი ის არის, რომ მან ჩაწოლა იცის და ძნელი გასალეწია.

ამხანაგმა ჩარკვიანმა ამოცანად დაგვისახა განვადრძოთ მუშაობა იმისათვის, რომ დოლის პურის ბაზაზე გამოვიყვანოთ ხორბლის ახალი, დოლის პურზე უფრო უხვმოსავლიანი, ჩვენს პირობებთან ამ ჯიშით შეგუებული, მაგრამ მისი ნაკლისაგან თავისუფალი ჯიშები.

ეჭვი არ არის, რომ ამხანაგი ჩარკვიანის ეს დავალება წარმატებით იქნება შესრულებული.

აგრონომი მ. თოდრაძე



არაჩვეულებრივი სიცივე

ერთხელ, გახული საუკუნის შუაწლებში, სამხედრო ტანსაცმლების საწყობში მოიტანეს კალას ღიღების პარტია. ეს ღიღები განკუთვნილი იყო ჯარისკაცთა მუნდირებისათვის. მაგრამ როცა მუნდირები მოამზადეს, ღიღების ადგილას იატაკზე იდო ნაცრისფერი ქვიშის ზვინი. სად გაქრა ღიღები? თურმე კალამ ვეღარ გაუძლო სიცივეს და ნაცრისფერ ფხვნილად გადაიქცა.


ტემპერატურის ცვლილებისას ბევრი ნივთიერება იცვლის არა მარტო სახეს, არამედ თვისებებსაც. კალა ელექტრობის კარგი გამტარია, მაგრამ სიცივეში ფხვნილად გადაქცეული იგი უკვე აღარაა ელექტრობის გამტარი. ჩვენთვის ცნობილია, რომ სამყაროში არსებობს ბევრად უფრო დაბალი ტემპერატურა, ვიდრე დედამიწაზე, სადაც 69 გრადუსზე დაბლა ყინვა არ მდგარა. პლანეტა იუპიტერზე კი, მაგალითად,

საშუალო ტემპერატურა მინუს 140 გრადუსს უდრის. როგორი ახალი თვისებები ჩნდება სხვადასხვა ნივთიერებებში ასეთი სიცივის დროს? ამ საკითხმა დაინტერესა მეცნიერები. მაგრამ ასეთი სიცივის მიღება ლაბორატორიაში დიდხანს ვერ შესძლეს. ხოლო როცა შესაძლებელი გახდა აირების—ჰაერის, წყალბადის — სითხედ გადაქცევა, მსგავსი სიცივე მიღებულ იქნა. თხევადი ჰაერის ტემპერატურა მინუს 194 გრადუსია, ხოლო თხევადი წყალბადი უფრო ცივია. ისარგებლეს რა ამ თხევადი აირებით, მეცნიერები შეუდგნენ იმის შესწავლას; თუ რა თვისებებს მიიღებდა სხვადასხვა ნივთიერება ძლიერი ვაცივებით. აი სწორედ მაშინ აღმოაჩინეს ლითონების ახალი თვისება. ამ თვისებას მეცნიერებმა ზეგამტარიანობა უწოდეს.

ცნობისმოყვარეთა კუთხე

ზუბრი

ამ ათასი წლის წინათ ევროპის დიდი ნაწილი უღრანი ტყეებით იყო დაფარული. აქ ცხოვრობდნენ გოლიათი ტყის ხარები — ზუბრები. ტყის ფართობი ასეთელი წლების განმავლობაში მცირდებოდა და მისი მკვიდრნი — ზუბრები ქრებოდნენ. ამჟამად ზუბრების, ბიზონებისა და მათი ჰიბრიდების შერეული ჯგუფი სსრკ-ში 69 სულისაგან შედგება. მათ შორის 20 წმინდა სისხლის ზუბრია, 10 ბიზონი და 39 ჰიბრიდული ზუბრი (ზუბრო-



ბიზონი). მთავრობა უკვეა ღონისძიებას ღებულობს ამ სახარგებლო და საოცარი ცხოველების შესანარჩუნებლად და გასამრავლებლად.

უძველესი ეპოქის ამ ცხოველების შენახვას დიდი მეცნიერული, ხოლო მათ მომრავლებას დიდი სამეურნეო მნიშვნელობა აქვს. თითოეულ ზუბრს შეუძლია მოკვცეს 500 კილოგრამი ხორცი, ფართო და მაგარი ტყავი და 4 კილოგრამი რბილი, თბილი მატყლი.

ზუბრი გოლიათი ცხოველია. მისი სიმაღლე 2 მეტრს აღწევს; ის 1 ტონამდე იწონის. მიუხედავად ამ სიდიდისა და მძიმე წონისა, შეშინებული ან გაჯავრებული ზუბრი მეტად მოქნილი და სწრაფია. გაქვნივს ზუბრს ყველა ცხენი როლი დაეწევა. ხშირი, სქელი ბეწვი, რითაც იგი დაფარულია, კარგად იცავს სიცვისაგან და საშუალებას აძლევს ქარ-

ბუქის დროს დიდხანს უძრავად იწვეს თოვლში.

ზამთარში ზუბრი უმთავრესად ახალგაზრდა ფიჭვის ქერქით იკვებება, ზაფხულში კი მისი საკვები უფრო მრავალფეროვანია.

მეტად თავისებურია ზუბრების თამაში: ორი-სამი გოლიათი ცხოველი იწყებს მიწის თხრას ფეხებითა და რქებით. მერე კოტრიალებენ ამოჩიქნილ მიწაზე, დგებიან და უცებ ოთხივე ფეხის მძლავრი ბიძგით შეხტებიან ერთ მეტრზე. ჰაერშივე შემოტრიალდებიან და მიწაზე დაეშვებიან უკანა ნაწილით. ამის შემდეგ ისინი კარგახანს ჭენებით უვლიან პატარა წრეს.

ხარებს უყვართ ღონის გამოცდა ახალგაზრდა ხეებთან: არყის ხეებს გრებენ რქებით, ნაძვებს, ფიჭვებს შემოაცლიან ქერქსა და ტოტებს და ბოლოს ამტვრევენ ან ფესვიანად ამოთხრიან მათ. ამოთხრილ ხეს ზუბრი რქებზე მოკიდებს ხოლმე და ჰაერში აისვრის.

წმინდა რკინა

იშვითად თუ ვისმეს სკერია ხელში წმინდა რკინა.

რატომ? განა დედამიწა მდიდარი არაა რკინით? თუ ადამიანებმა ჯერ კიდევ ვერ ისწავლეს მისი მოპოვება?

რკინა ბევრია დედამიწაზე. იგი შედის ნიადაგისა და მინერალების; ცხოველთა ჰემოგლობინისა და მცენარეთა ქლოროფილის შემადგენლობაში. რკინა გვხვდება დედამიწაზე სხვა ელემენტებთან. უფრო ხშირად გოგირდთან, უანგბადთან, ნახშირმჟავასთან და სხვა ელემენტებთან ნაერთის სახით. წმინდა რკინა შეიძლება მივიღოთ ქიმიურ ლაბორატორიაში, მაგრამ ზოგჯერ შეიძლება იგი დედამიწაზედაც ვნახოთ. თქვენ გაგიგონიათ, რა თქმა უნდა, მეტეორიტების შესახებ, რომლებიც ეცემა დედამიწაზე. აი სწორედ ეს მე-


ტეორიტები — პლანეტათაშორისო სივრცის წარმოგზავნილები — შეიცავენ წმინდა რკინას.

ჰარის ენერგია

რომ შეგვეძლოს სრულად გამოვიყენოთ ჰარის ენერგია იმ რაიონებში, სადაც იგი მუდმივად ქრის, მაგალითად, ბალტიისა და კასპიის ზღვების რაიონებში, კამჩატკაზე, და შეგვეძლოს ამ ენერგიის გააქცევა ელექტრობად, მაშინ აღნიშნული ტერიტორიების თვითეულ კვადრატულ კილომეტრზე შეიძლება მიგვეღოს 60.000-დან ერთ მილიონამდე კილოვატსაათი ელექტროენერგია წელიწადში.


ოკეანის სიღრმეში

როცა მეცნიერი სპეცსამოხელით ოკეანის სიღრმეში რამდენიმე ასეთულ მეტრზე ჩავიდა, ფოტოსურათი გადაუღო ამ საოცარ მოვლენას: მტაცებელი თევზი — „შავი შთანთქმელი“ ყლაპავს



მასზე სამჯერ დიდ თევზს. აი, მან მიიღო საბრძოლო მდგომარეობა იერიშზე გადასახველად (სურათი ზევით). აი დაავლო პირი დიდ თევზს (სურათი შუაში). აგერ, იგი უკვე მიცურავს მსხვერპლით, რომელიც ამ პატარა თევზის გაბერილ მუცელშია მოქცეული.

ხუმრობა



მე გავიზარდე ტყიან მხარეში, სადაც მრავლად მოიპოვე-
ბა ყოველნაირი ნადირი. დათვებს ხშირად დაუგლეჯიათ ცხე-
ნები და ძროხები. მიუხედავად ურიცხვი ძაღლებისა, მელი-
ებსაც ბლომად მოუპარავთ საქათმიდან ქათმები.

ჯერ მოზარდი ვიყავი, ნადირობა რომ დავიწყე. ძალიან
მეშინოდა დიდ ნადირთან შეხვედრა. ჩემი ძველი თოფი მხე-
ცებისთვის არ იყო განკუთვნილი. ამნაირ თოფებს მხარეთ-
მცოდნეობის მუზეუმში თუ შეხვდებით, როგორც სიძველის
ნიმუშს.

ერთხელ ტყეში ბილიკზე წაქცეულ ხეზე დავჯექი და
ვისვენებდი. ბილიკიდან ოცდაათ ნაბიჯზე გამობაჯბაჯდა პა-
ტარა, ბუთხუხა დათუნია.

ჩემი უხეირო თოფით არ შემეძლო მომეკლა, მაგრამ თო-
ფი მაინც ვესროლე, რისთვის? ისე, გავეხუმრე პატარას.
მე დაჯის თითქმის ტოლები ვიყავით და რატომ არ შეი-
ძლებოდა გავეხუმრებოდი?!

მგონი, ორი-სამი საფანტი მოხვდა მიზანში. დათუნია
დატრიალდა და აწკმუტუნდა. ნაძვარიდან უცებ გამოვარდა
დედა დათვი და ჩემკენ გამოექანა.

მე მაშინვე გადავაგდე თოფი და კატასავით ავცოცდი ხე-
ზე. არავითარი იარაღი არ გამაჩნდა თავის დასაცავად, თა-
ნაც ვიცოდი, რომ დათვებს ემარჯვებათ ხეზე ასვლა. გავი-
ფიქრე, უეჭველად დავიღუპები შეთქი. დათვი არ ამოვიდა
ხეზე, შედგა ყალყზე და შეუბრალებლად აქანებდა ნორჩ
ნაძვს, რომელზედაც მე ვიყავი. ხე ისე იხრებოდა, თითქოს
ეს არის უნდა გადატყდესო. თავბრუ მეხვეოდა, გული ბუ-
დიდან ამოვარდნას ლამობდა, მაგრამ ხელები მაინც მაგრად
მქონდა შემოხვეული ხეზე.



პატარა დათუნია კი ბი-
ლიკზე იჯდა და ტიროდა.
დედა მიიხედავდა ხოლმე
შვილისკენ და თითქოს
ეუბნებოდა:

— გაჩუმდი! ხომ ხედავ,
ვაქანებ ხეს, ჩამოვადგებ ამ
უსაქმურს და გვერდებს და-
ვუმტვრევო.

დათუნია ტირილს განა-
გრძობდა.

— დედიკო, მალე ჩამოა-
გდე, უთხარი, ნულარ გაი-
სვრის თოფს, ნუ შეაშინებს
პატარებს!

დედა დათვი კი ჩუმად
ბურტყუნებდა:

— ვეცდები მოვტეხო ხე,
ჩემო დათუნი.

მაინც მოტეხდა... გადამარჩინეს მეზობლებმა, რომლებიც სამუშაოდან ბრუნდებოდნენ ცხენებით. გლეხები ხმამაღლა ლაპარაკობდნენ, ცხენებს კი დათვის სუნი სცემოდათ და ხეივანივით ხვდნენ.

ღედა დათვმა გლეხების ლაპარაკი რომ გაიგონა, უკმაყოფილოდ მიატოვა ხე და ბუჩქებს მიეფარა, უკან კი კოჭლობით სასაცილოდ გაჰყვა პატარა ბელი.

მე ხიდან ჩამოვედი. გლეხებისათვის არაფერი მითქვამს, რადგან ამისთანა შემთხვევის დროს ახალგაზრდა მონადირეც კი არ დაიკვებებს.

მე გავიზარდე, ჰკეუა და გამოცდილება მომემატა. თუ ტყეში შევხვდებოდი პატარა მხეცს, უკვე ვიცოდი, რომ იქვე ახლოს იმყოფებოდა იქნებოდა, რომელსაც ხუმრობა არ უყვარს. შეიძლება რომელიმე გულად ადამიანს გაეცინოს ჩემს გულწრფელ ნაამბობზე, — ასეთ გულად ვურჩევ ათი წუთი მაინც დაჰყოს ნაძვის ხეზე, რომელსაც გამხეცებული თხუთმეტფუთიანი დათვი აქანებს; იჯდეს უიმედოდ და არაფერი იცოდეს იმ გლეხების შესახებ, რომლებიც მას შემთხვევით გადააჩენენ.

ი. არამილავი

შ ი ნ ა ა რ ს ი

| | | | |
|--|----|--|--|
| ლ. ავალიანი — ჩაიკოვსკის „ტოროლა“ (მოთხრობა) | 1 | გ. შატბერაშვილი — მტკვრის სათავისაყენ (მოთხრობა. გაგრძელება) | 19 |
| მ. სურგულაძე — მეჩუქურთმის სიმღერა (ლექსი) | 3 | ქ. წერეთელი — სოლომონ პირველი (წერილი) | 22 |
| გ. გელაშვილი — ხარატები (მოთხრობა) | 4 | ვ. ორლოვი — დაზიანებული თვალი და მაგნეტო (მოთხრობა) | 23 |
| ი. ნადაშვილი — გაზაფხული (ლექსი) | 6 | ა. ბილანიშვილი — რას გვასწავლიდა მ. ი. კალინინი (წერილი) | 25 |
| თ. ჩხაიძე — ახალი გაზაფხული (მოთხრობა) | 7 | ტ. თოდრაძე — დოლის პური (წერილი) | 28 |
| ი. გრიშაშვილი — ჰიმნი შრომისადმი (ლექსი) | 8 | ცნობისმოყვარეთა კუთხე | 30 |
| დ. ბაქრაძე — ქალიშვილი საკონცენტრაციო ბანაკიდან (ნარკვევი) | 9 | ი. არამილავი — ხუმრობა (მოთხრობა. თარგმნილი თ. შივარდნიშვილის მიერ) | 31 |
| ვ. მაისია — ჩემი თანაშემწენი (წერილი) | 11 | დედები, დები (წერილი) — გარეკანის ჩვენი კალენდარი | 2-ე გარეკანის პირველი გვერდის მხატვრობა „ღედა“ ეკუთვნის მხატვარ ა. გიგოლაშვილს |
| გ. კაჭხაიძე — ნინო მასწავლებელი (პოემა) | 12 | გარეკანის მეოთხე გვერდზე „მშვილად იყავ, პატარავ!“ მუსიკა კომპოზიტორ შ. მილორავასი, სიტყვები ლ. მგელაძის და ი. გოცირიძის. | |
| ბ. ბახტაძე — მათ სამშობლო ზრდის (წერილი) | 17 | | |

ბრეჟნევიჩი ბ. ჰ ბ ზ ბ ი ძ ი. საბრეჟნევიჩი ვლადიმერ ვ. აბლაძე, დ. გმირტიშვილი, ვ. მარდიანი. ბ. თაბუკიშვილი, მარჯანი, მ. მირიანაშვილი, ი. ნემსაძე, ზ. შინგელია. პასუხისმგებელი მდივანი ვ. თოდრაძე. სამხატვრო ბრეჟნევიჩი ბ. ფოცხიშვილი.

რედაქციის მისამართი: თბილისი, ლენინის ქ. № 14. ტელ. 3-81-85

უფ. 00085 ტირაჟი 7500 გამომცემლობის შეჯ. № 89 სტამბის შეჯ. № 369
 ლ. პ. ბერიას სახელობის პოლიგრაფიკომბინატი „კომუნისტა“, ლენინის ქ. № 14
 ყურნალის გარეკანი დაბეჭდილია „ზარია ვოსტოკას“ ოსეტ-მანქანზე.



ჩვენი კატეხეზარი



პარიზის კომუნა

ოქვენ გისწავლიათ დიდი ფრანგი მწერლის ვიქტორ ჰიუგოს ლექსი „ბარიკადებზე“. ეს ლექსი გადმოგვცემს ეპიკურს პარიზის კომუნის დამარცხების დღეებისას, როცა ჯალათი ტიერი უღმობლად გაუსწორდა კომუნარებს.

18 მარტს 80 წელი უგბრულდა პარიზის კომუნის გამოცხადების დღიდან.

1870 წელს ნაპოლეონ III-ის საფრანგეთის იმპერია სასტიკად დამარცხდა პრუსიისთან ომში. საფრანგეთის 100-ათასიანი არმია ნაპოლეონ III-თან ერთად ტყვედ ჩავარდა. ამით აღშფოთებულმა აჯანყებულმა ხალხმა საფრანგეთი რესპუბლიკად გამოაცხადა. მაგრამ შექმნილმა დროებითმა მთავრობამ უღალატა მშრომელ ხალხს და იწყო პრუსიელებთან შეთქმულება საფრანგეთის მუშათა რევოლუციური მოძრაობის ჩასაქრობად. მთავრობას სათავეში ჯალათი ტიერი ედგა. მთავრობა ვერსალში იმყოფებოდა. პარიზის პროლეტარიატი, რეპრესიების მიუხედავად, ემზადებოდა გადამწყვეტი ბრძოლისათვის ტიერის მთავრობის წინააღმდეგ. 1871 წ. 18 მარტს ტიერმა დაძრა ჯარი პარიზისაკენ; მაგრამ ნაციონალური გვარდია, მთელი ხალხი იარაღით ხელში შეებრძოლა კონტრრევოლუციას. აჯანყებულთა მხარეზე მთავრობის რეგულარული ჯარის მრავალი მემომარი გადავი-

და. საღამოს მთელი პარიზი ხალხის ხელში იყო. იმავე დღეს პროლეტარიატმა კომუნა გამოაცხადა.

პარიზის კომუნამ 72 დღე იარსება და მრავალი სოციალური გარდაქმნა გაატარა. ხალხის სარგებლობაში გადავიდა ბურჟუეზიების სახლები, ეკლესიები, მონასტრები, სასახლეები, პარკები, მუზეუმები. პარიზიდან გაქცეული ბურჟუეზიების ყველა საწარმო გადაეცა მუშებს, მსხვილ საწარმოებში დაწესდა მუშათა კონტროლი. გამოცხადდა ქალთა თანასწორუფლებიანობა მამაკაცებთან, შემოდებულ იქნა უფასო სწავლება.

მაგრამ კომუნა დამარცხდა, რადგან თვით მის ხელმძღვანელობაში არ იყო ერთიანობა, არ იყო კავშირი მუშათა კლასსა და გლეხობას შორის და, რაც მთავარია, მუშათა კლასი არ იყო მომწიფებული, მას სათავეში არ ედგა მარქსისტული პარტია.

1871 წლის 28 მაისს დაეცა კომუნის უკანასკნელი ბარიკადი. ჯალათმა ტიერმა სისხლში ჩაახრჩო პარიზის კომუნა. 30 ათასი კაცი დახვრიტეს, 40 ათასი ციხეში ჩაყარეს ან კატორღაში გაზავნეს.

პარიზის კომუნა დამარცხდა, მაგრამ კომუნის იდეები უკვდავია, ამ იდეამ გაიმარჯვა რუსეთში ლენინ-სტალინის დიდი პარტიის ხელმძღვანელობით, ეს იდეა გაიმარჯვებს მთელს მსოფლიოში.

რაფიელ ერისთავი

ვის არ დამტკბარა პატრიოტული ლექსით „სამშობლო ხვესურისა“, ვის არ ახსოვს „ტეტიახ მოთქმა“, „ბერუას ჩაფიქრება“, „სენსიას ფიქრები“, „თინიას მამითადი“! ეს და მრავალი სხვა შესანიშნავი ლექსი ეკუთვნის გლეხის გულის მესაიდუმლეს, XIX საუკუნის გამოჩენილ პოეტს რაფიელ ერისთავს. მრავალი ათეული წლების მანძილზე მისი ლექსები ამშვენებენ მშობლიური ლიტერატურის სახელმძღვანელოებს. რამდენი თაობა აღზრდილა მის ნაწარმოებებზე! ხალხს უყვარს თავისი სახელოვანი პოეტი. ქართველმა ხალხმა 4 მარტს ფართოდ აღნიშნა პოეტის გარდაცვალების 50 წლისთავი.

რაფიელ ერისთავი დაიბადა 1824 წლის 1 პარიღს სოფელ ქისტურში. წერა-კითხვა 7 წლისას შეასწავლა დედამ. მერე სწავლობდა თელავის სამაზრო სასწავლებელში, შუამთის მონასტერში, ბოლოს — თბილისის გიმნაზიაში, რომელიც წარმატებით დაამთავრა 1845 წელს. ამის შემდეგ იგი სხვადასხვა სახელმწიფო სამსახურში იმყოფებოდა.



რაფიელ ერისთავის ლექსებში დიდი მხატვრული ძალით, სიმართლითა და უბრალოებით არის მოცემული თვითმპყრობელობის-დროინდელი საქართველოს გლეხობის მძიმე ცხოვრება.

1855 წელს ქართველმა ხალხმა დიდი ზეიმით აღნიშნა რაფიელ ერისთავის სალიტერატურო მოღვაწეობის 50 წლისთავი. მაშინ რაფიელს ლექსი მიუძღვნა ქაბუკმა იოსებ ჯულაშვილმა.

რაფიელ ერისთავის შესანიშნავი შემოქმედება მადლიერი ხალხის საკუთრება გახდა.

244/465



მშვიდად იყავ, პატარავ! *

მუსიკა ზოთა მილორავასი

სიტყვები ლ. გვალაძისა და ი. გოცინიძის

ნელა
mp

ჩემო კარგო, ეგ თვალები მა-მის-თვალებს რომ მი-გი-გავს,
და-ი-ძი-ნე, მე გი-ამ - ბობ ერთ ლა-მას და ნამდვილ ი-გავს; მა-რად უამს
რომ უშფოთ-ვე-ლი, წყნა-რი ძი-ლი გქო-ნო-და,
რომ ყო-ველთვის, გე-ნაცვა-ლე, დე-და ახლოს გყო-ლო-და. ნა-ნა.
პ
რომ ყო-ველთვის, გე-ნაცვა-ლე, დე-და ახლოს გყო-ლო-და. 3-ჯერ

ჩემო კარგო, ეგ თვალები
მამის თვალებს რომ მივიგავს,
დაიძინე, მე ვიამბობ
ერთ ლამაზ და ნამდვილ იგავს:

მარადუამს რომ უშფოთველი,
წყნარი ძილი გქონოდა,
რომ ყოველთვის, გენაცვალე,
დედა ახლოს გყოლოდა.

რომ დიმილი შენი წმინდა
მტერს ცრემლით არ შეეცვალა,
მამაშენმა, სხვებთან ერთად,
სიცოცხლეს კი ზანაცვალა.

არ გიგრძენია უმამობა,
ნანა, შვილო, ნანინა,
და მშვიდობის ვერავ მტერმა
თუ კვლავ არ დაგაძინა, —

მშვიდობისთვის ერთად წავალო,
ვივლით დეგი ძმების გვერდით.
შვილსაც ზრდის და სამშობლოსაც
იცავს ჩვენი ქალის მკერდი.

ნანა, შვილო, თუმცა ზოგი
უკრავს ომის ნაღარას,
ძილს ვერავინ შეგიშფოთებს,
მშვიდად იყავ, პატარავ!

* 1950 წლის დეკემბერში, მოსკოვში მოწყობილ ხელოვნების მუსიკა სახ-
ლების შემოქმედებითი აქტივის საკავშირო დათვალერებზე, კომპოზიტორ შ.
მილორავას ეს სიმღერა ჩონგურზე შეასრულა თბილისის ფილარმონიის სო-
ლისტმა ტატიანა მახარაძემ და მიიღო პირველი პრემია.

